

ဟေမြဲ

အသင်းတော်သို့ ပီးစာ

နိဒါန်း

ဟေမြဲ အသင်းတော်သို့ ပီးစာ သည် ဓမ္မဟောင်းကျမ်း၌ ပရောဖက် ပြုထားချက်များကို ယေသျှုက မည်သို့ ပြည့်စုံလာစီကြောင်း ဖော်ပြထားသော အားပီးတိုက်တွန်းစာ တစ်စောင် ဖြစ်ပါသည်။ ဤပီးစာကို တရားဟောချက် တစ်ခုကဲ့သို့ ရီးသားထားပါသည်။ ဟေမြဲ အသင်းတော်သို့ ပီးစာ၌ ယေသျှုခရစ်တော်သည် ပရောဖက်တိ ဟောထားချက်များ မည်သို့ ပြည့်စုံလာကြောင်းကိုလည်းကောင်း၊ ယုဒလူမျိုး ယဇ်ပုရောဟိတ်မင်း၏ တာဝန်ကိုလည်းကောင်း ဓမ္မဟောင်းပါ ကျမ်းချက်ပေါင်း ၆၀ ကျော်ကို ကိုးကားလျက် ယင်းလင်းစွာ ဖော်ပြထားပါသည်။ ထို့ကြောင့် ဤစာသည် ယုဒခရစ်ယာန်များကို အားပီးတိုက်တွန်းရန်အတွက် ဖြစ်သည်ဟု ဆိုနိုင်၏။ ဟေမြဲအသင်းတော်သို့ ပီးစာ၌ ယဇ်ပုရောဟိတ်မင်းရှိသည် မည်သည့်အခါ၌မျှ နောက်တဖန် ယဇ်ပူဇော်ခြင်း မဟိကြစီရန် ယေသျှုခရစ်တော်သည် ပညတ်တရားကို မည်သို့ ပြည့်စုံစီခကြောင်းကို ဖော်ပြထားပါသည်။ ယေသျှုသည် တစ်ကြိမ် ပြစ်မှားမိသော အပြစ်များ

အတွက် သော်လည်းကောင်း၊ အခါခပ်သိမ်း၌ ပြစ်မှားမိသော အပြစ်များအတွက် သော်လည်းကောင်း၊ အပြစ်အားလုံးအတွက် ပူဇော်ပီးခသော ယဇ်ဖြစ်၏။ ဂန့်ခရစ်ယာန်များ ဘုရားသခင်ကို ယုံကြည်ကိုးစားကြစီခြင်းငှာ လည်းကောင်း၊ ယေသျှုခရစ်တော်ကို ယုံကြည်ကိုးစားကြစီခြင်းငှာ လည်းကောင်း၊ ငါရို့အတွက် ပူဇော်သကာယဇ်ကို ပူဇော်ပီးခသော သူတည်းဟူသော ယေသျှုခရစ်တော်နောက်ကို လိုက်ပါကြစီခြင်းငှာလည်းကောင်း အားပီးတိုက်တွန်းချက်များကို ဟေဗြဲအသင်းတော်သို့ ပီးစာ၌ တွဲနိုင်၏ (၁၂.၂)။

ဟေဗြဲအသင်းတော်သို့ ပီးသောစာကို ဇာသူ ရီးခကြောင်းကို မသိကြပေ။ သို့သော် ပညာသျှင်ရို့က တမန်တော် ပေါလု သို့မဟုတ် လုကာ သို့မဟုတ် ဗာနဗ ဖြစ်နိုင်ကြောင်း ခန့်မှန်းကြပါသည်။ မည်သည့်အချိန်က ရီးခကြောင်းကို မသိကြသော်လည်း ခရစ်တော်မွီးဖွားပြီးနောက် ၇၀ ခုနှစ် မတိုင်ခင်က ရီးခသည်ဟု ပညာသျှင်အများစုက ယုံကြည်ကြပါသည်။ ယေရုဆလင်မြို့သည် ခရစ်တော်မွီးဖွားပြီးနောက် ၇၀ ခုနှစ်တွင် ဖျက်ဆီးခြင်းကိုခံရ၏။ သို့ရာတွင် ဤစာကို ရီးသားသော စာရေးသူသည် ယေရုဆလင်မြို့ အကြောင်းကို ပြောဆိုထားသည်ဖြစ်၍ ယေရုဆလင်မြို့ ဖျက်ဆီးမခံရခင် ဤစာကို ရီးခ ဟန်ဟံ၏။ ဟေဗြဲအသင်းတော်သို့ ပီးသောစာကို ရောမမြို့၌ ရီးသားခပြီး (၁၃.၂၄)၊ ဤပီးစာသည် အသင်းတော်များ၌

ပြန့်နှံ့ခလေ၏။

အကြောင်းအရာ အကျဉ်းချုပ်

၁။ စာရီးသူက ယေသျှုသည် ဘုရားသခင်၏ ပရောဖက်တိထက် လည်းကောင်း၊ ကောင်းကင်တမန်တိထက်လည်းကောင်း ကြီးမြတ်သောသူဖြစ်ကြောင်း ဖော်ပြထားခြင်း (၁.၁—၄.၁၃)

၂။ ထို့နောက် သူက ယေသျှုသည် ယေရုဆလင်မြို့ ဗိမာန်တော်၌ အမှုထမ်းလျက် ဟိကြသော ယဇ်ပုရောဟိတ်မင်းတိထက်လည်း ကြီးမြတ်သောသူ ဖြစ်ကြောင်းကို ဆက်လက်၍ ဖော်ပြထားခြင်း (၄.၁၄—၇.၂၈)

၃။ ယေသျှု၏ သာသနာတော်သည် ဘုရားသခင်က မောသျှုအား ပီးခသော ပညတ်တရားအားဖြင့် မိမိ၏လူတို့နှင့် ပြုခသော ကတိတော်ဟောင်းထက်လည်း ကြီးမြတ်တော်မူကြောင်း ဖော်ပြထားခြင်း (၈.၁—၁၀.၃၁)

၄။ စာရီးသူက ယေသျှုသည် ခပ်သိမ်းသောအရာတိုင်း၌ ကြီးမြတ်တော်မူကြောင်းကို ယှဉ်ပြပြီးနောက် လက်တို့ကျင့်သုံးမှုဆိုင်ရာ သွန်သင်ချက်များစွာကိုလည်း ဖော်ပြထားခြင်း (၁၀.၃၂—၁၃.၁၇)

၅။ နောက်ဆုံး၌ စာရီးသူက အားပီးတိုက်တွန်းခြင်းများ၊ နှုတ်ဆက်စကားပြောခြင်းများဖြင့် ဤစာစောင်ကို နိဂုံးချုပ်ထားခြင်း (၁၃.၁၈—၂၅)

သားတော်အားဖြင့် ဘုရားသခင်၏ နှုတ်ကပတ်တော်

¹ ဘုရားသခင်သည် အတိတ်ကာလ၌ ပရောဖက်တို့မှ တစ်ဆင့် ငါရို့ အဖိုး အဖီးတို့ကို နည်းလမ်းအမျိုးမျိုးဖြင့် အကြိမ်ကြိမ် မိန့်မှာတော်မူခဲ့၏။

² သို့ရာတွင် ဤနောက်ဆုံးသောကာလ၌ ကိုယ်တော်သည် မိမိ၏သားတော်အားဖြင့် ငါရို့အား မိန့်တော်မူ၏။ ဘုရားသခင်သည် ထိုသားတော်အားဖြင့် စကြဝဠာကို ဖန်းဆင်းတော်မူပြီး အဆုံး၌ ခပ်သိမ်းသောအရာအားလုံးကို ထိုသားတော်အား အမွှ်ခံအဖြစ် ခန့်ထားတော်မူ၏။

³ သား တော်သည် ဘုရားသခင်၏ဘုန်း တော်ကို ထွန်းတောက် စီတော် မူ ပြီး တိကျ မှန်ကန်သော ဘုရားသခင်၏ဇာတိ တော် ဖြစ်၏။ မိမိ၏တန်ခိုးနှင့် ပြည့်စုံတော် မူသော နှုတ်ကပတ် တော် အားဖြင့် စကြဝဠာ ကို တည် စီတော် မူ၏။ လူသား တို့ ကို အပြစ်မှ လွတ်မြောက် ရန် ဆောင်ရွက် ပီ ပြီး နောက်ကောင်းကင်ဘုံ၌ အနန္တတန်ခိုး သျှင် ဘုရားသခင်၏ လက်ယာတော်ဖက်တွင် ထိုင်တော်မူ၏။

ဘုရားသခင်သားတော်၏ ကြီးမြတ်တော်မူခြင်း

⁴ ဘုရားသခင် သည် ထို သား တော် အား ကောင်းကင်တမန်ရို့ရသော ဘွဲ့နာမထက် သာ၍ ကြီးမြတ်တော်မူသော ဘွဲ့နာမတော်ကို ချီးမြှောက်တော်မူသည်နှင့်အညီ ကိုယ်တော်သည် ထိုကောင်းကင်တမန်တို့ထက် သာ၍ ကြီးမြတ်တော်မူ၏။

⁵ အကြောင်းမူကား ဘုရားသခင်က၊

“သင်သည် ငါ့သား ဖြစ်၏၊
အေ နို့၌ ငါ သည် သင်၏အဖ ဖြစ်၏”
ဟူ၍လည်းကောင်း၊

“ငါသည် သူ၏အဖ ဖြစ်လိမ့်မည်၊

သူသည်လည်း ငါ့သား ဖြစ်လိမ့်မည်” ဟူ၍ လည်းကောင်း
မိမိ၏ မည်သည့် ကောင်းကင်တမန်ကိုမျှ မပြောဖူးခ
ပေ။

⁶ သို့ရာတွင် ဘုရားသခင်က မိမိ၏ သားဦးကို ဤလောက
ထဲသို့ စီရင်တော်မူသောအခါ၌၊

“ဘုရားသခင်၏ ကောင်းကင်တမန်အပေါင်းရှိသည် ကို
ယ်တော့်ကို ကိုးကွယ်ရမည်” ဟု မိန့်တော်မူ၏။

⁷ သို့ရာတွင် ဘုရားသခင်က ကောင်းကင်တမန်တိ အ
ကြောင်းကို မိန့်တော်မူသည်ကား၊

“ဘုရားသခင် သည် မိမိ၏ကောင်းကင်တမန် ရှိ ကို လီ
ကဲ့သို့ လည်းကောင်း၊

မိမိ၏အခိုင်း အစီများ ကို မီးတောက် မီးလျှံကဲ့သို့
လည်းကောင်း ဖြစ်စီတော်မူ၏” ဟူ၍ ဖြစ်သည်။

⁸ သို့သော်လည်း သားတော်အကြောင်းနှင့် ပတ်သတ်၍
မိန့်တော်မူသည်မှာ၊ “အို ဘုရားသခင် ကိုယ်တော်၏

နိုင်ငံတော် သည် အစဉ်ထာဝရ တည် လိမ့်မည်။*
ကိုယ်တော်သည် မိမိ၏ † လူတို့ကို တရားမျှတစွာ
အုပ်စိုးတော်မူ၏။

9 ကိုယ်တော်သည် ဖြောင့်မတ်ခြင်းတရားကို နှစ်သက်
တော်မူ၍ မတရားသောအမှုကို မုန်းတော်မူ၏။ ထို့ကြောင့်
ကိုယ်တော်၏ ဘုရားသခင်တည်းဟူသော ဘုရားသခင်
သည် ကိုယ်တော့်ကို ရှိုးချယ်၍ မိမိ၏ အပေါင်းအဖော်
ရို့ထက် ပို၍ ချီးမြှောက်ကာ ဝမ်းမြောက်ခြင်းကို ပီးတော်
မူသည်” ဟု မိန့်တော်မူ၏။

10 ထို့နောက် ကိုယ်တော့်ကို တဖန် မိန့်တော်မူသည်မှာ၊
“သခင်ဘုရား ကိုယ်တော်သည် အစဦး၌ မြီးကြီးကို
ဖန်ဆင်းတော်မူပြီး၊
မိမိလက်တော်ဖြင့် ကောင်းကင်ကို ဖန်ဆင်းတော်
မူ၏။

11 ထိုအရာများသည် ပျောက်ကွယ်လားကြသော်လည်း
ကိုယ်တော်သည် အမြဲ တည်တော်မူ၏။
ထိုအရာအားလုံးသည် အဝတ်များကဲ့သို့ ဟောင်းနွမ်း
လားကြလိမ့်မည်။

12 ကိုယ်တော်သည် ထိုအရာများကို ဝတ်ရုံကဲ့သို့ လိပ်
တော်မူလိမ့်မည်ဖြစ်၍

* 1:8 အို ဘုရားသခင် ကိုယ်တော်၏ နိုင်ငံတော်သည် အစဉ်ထာဝရ
တည်လိမ့်မည်။ သို့မဟုတ် ဘုရားသခင်သည် ကိုယ်တော်၏
နိုင်ငံတော်ဖြစ်၏။ † 1:8 ကိုယ်တော်၏ အချို့သော လက်ရီးမှုကျမ်း၌
မိမိ၏ ဟု ပါဟန်၏။

ထို အရာ များသည် အဝတ် ကဲ့သို့ ပြောင်းလဲ လား
သော်လည်း၊
ကိုယ်တော်သည် ထာဝရ တည်တော်မူလိမ့်မည်။
ကိုယ်တော်၏ အသက်တော်သည် မည်သည့်အခါမျှ
ကုန်ဆုံးလိမ့်မည် မဟုတ်” ဟု မိန့်တော်မူ၏။

¹³ ဘုရားသခင်သည်၊
“သင်၏ရန်သူတို့ကို သင်၏ ခြံအောက်၌
သင်၏ ခြံ တင် ရာ ခုံ အဖြစ် ငါ ချထား သည့်
တိုင်အောင်
ငါ၏ လက်ယာ ဖက်၌ ထိုင် နိ န် လော့” ဟု ဇာ
ကောင်းကင်တမန်ကိုမျှ မပြောဖူးခပေ။
¹⁴ သို့ဖြစ်၍ ကောင်းကင်တမန်တို့ကား ဇာသူတို့လဲ၊ ထို
သူရို့သည် ကယ်တင်ခြင်းကို အမွှခံရမည့်သူရို့အား ကူညီ
ရန် ဘုရားသခင် စီရင်တော်မူသော ကိုယ်တော်၏အစီခံ
ဝိညာဉ်များ ဖြစ်ကြ၏။

2

ကြီးမြတ်သောကယ်တင်ခြင်း

¹ ထို့ကြောင့် ငါရို့သည် လမ်းမလွဲစီခြင်းငှာ ငါရို့ကြားနာ
ပြီးသော သမ္မာတရားကို သာ၍ ခိုင်မြဲစွာ ဆုပ်ကိုင်ထားကြ
ရမည်။

² ကောင်းကင်တမန်ရို့က ငါရို့အဖိုး အဖိုးရို့အား ပီးခ
သော ဗျာဒိတ်တော်သည် မှန်ကန်သည်ဖြစ်၍ ထိုဗျာဒိတ်

တော်ကို ငြင်းပယ်သောသူ သို့မဟုတ် မလိုက်နာသောသူ ရှိသည် ထိုက်တန်သော အပြစ်စီရင်ခြင်းကို ခံကြရသည် ဖြစ်၍

³ ဤသို့သော ကြီးမြတ်သော ကယ်တင်ခြင်းတရားကို ဂရုမစိုက်ဘဲ နီကြလျှင် ငါရှိသည် ပြစ်ဒဏ်စီရင်ခြင်းက အပိုင် လွတ်မြောက်နိုင်ပါဖို့လဲ။ သခင်ဘုရား ကိုယ်တိုင် ပထမဦးစွာ ဤကယ်တင်ခြင်းတရားကို ဟောကြားတော် မူခဲ့သည် ဖြစ်၍ ကြားနာရသောသူရှိက ထိုတရား တော်သည် မှန်ကန်ကြောင်းကို ငါရှိအား သက်သီပြခဲ့ လေ၏။

⁴ ထိုနည်းတူ ဘုရားသခင်သည် အမှတ် လက္ခဏာ များ၊ အံ့သြဖွယ်သောရာများနှင့် အမျိုးမျိုးသော နိမိတ် လက္ခဏာများကို ဖော်ပြတော်မူခြင်းဖြင့်လည်းကောင်း မိမိအလိုတော်အတိုင်း သန့်ယှင်းသောဝိညာဉ်တော်၏ဆု ကျေးဇူးများကို ဝိဌတော်မူခြင်းအားဖြင့်လည်းကောင်း သက်သီပြတော်မူခဲ့လေ၏။

ငါရှိကို ကယ်တင်ခြင်းသို့ ပို့ဆောင်သူ

⁵ ဘုရားသခင်သည် ငါရှိ ပြောဆိုနိုင်ကြသော ပေါ်ထွန်း လာမည့် လောကသစ်ကို အုပ်စိုးသောသူတို့ အဖြစ် ကောင်းကင်တမန်တို့အား ခန့်အပ်တော်မမူ။

⁶ ကျမ်းချက် တစ်ချက်၌ ဆိုထားသည်မှာ၊

“အို၊ ဘုရားသခင် လူသားသည် အပိုင်သူတို့ဖြစ်လို့

ကိုယ်တော်သည် သူ့အကြောင်းကို စဉ်းစားနိုင်ပါလဲ။

သူ့ကို ဂရုစိုက်နိုင်ရပါလဲ။

7 ကိုယ်တော်သည် သူ့ကို ကောင်းကင်တမန်ရဲ့ အောက်
ခေတ္တမျှ နှိမ့်ကျ စီတော်မူပြီ။

ကိုယ်တော်သည် ဘုန်းတန်ခိုးတော်နှင့် ဂုဏ်အသရေ
တော်အားဖြင့် သူ့ကို သရဖူ ဆောင်းစီတော်မူပြီး၊*

8 သူ့အား အရာခပ်သိမ်းကို အုပ်စိုးသူအဖြစ် ခန့်အပ်
တော်မူပြီ” ဟု ဆိုထားသည်မှာ

လူသား အား “အရာ ခပ်သိမ်း ကို အုပ်စိုး ပိုင် ခွင့် ပီး
ထားသည်” ဟူ၍ ဖြစ်၏။ သို့သော်လည်း အဂ္ဂတိုင်
လူသားသည် အရာခပ်သိမ်းကို အုပ်စိုးသောသူအဖြစ် မ
တို့မြင်ရသိမ့်ပေ။

9 သို့ရာတွင် ဘုရားသခင်၏ကျေးဇူးတော်အားဖြင့် လူ
တိုင်းအတွက် အသိခံခြင်းငှာ ကောင်းကင်တမန်တို့
အောက် ခေတ္တမျှ နှိမ့်ချထားခြင်းကို ခံရသော ယေသျှု
ကို ငါရို့သည် မြင်ကြရပြီ။ ထိုအသျှင်သည် မိမိအသိခံ
တော်မူခြင်းကြောင့် ဘုန်းတန်ခိုးတော်ဖြင့်လည်းကောင်း၊
ဂုဏ်အသရေဖြင့်လည်းကောင်း ချီးမြှောက်ခြင်းခံရသည်
ကို ငါရို့ မြင်တို့ကြရ၏။

10 များစွာသော သားသမီးတို့ကို မိမိ၏ဘုန်းစည်းစိမ်၌
ခံစား စီ ခြင်း ငှာ အရာ ခပ်သိမ်း ကို ဖန်ဆင်း တော် မူ

* 2:7 များစွာသော လက်ရိုးမူကျမ်းများ၌ ကိုယ်တော်သည်
ဘုန်းတန်ခိုးတော်နှင့် ဂုဏ်အသရေတော်အားဖြင့် သူ့ကို သရဖူ
ဆောင်းစီတော်မူပြီး၊ ဟူ၍ ဖြည့်စွက် ရိုးသားထား၏ (ရှု ဆာ ၈.၆)။

ပြီး ထိန်းသိမ်းစောင့်ရှောက် လျက် ဟိ တော် မူ သော ဘုရားသခင် သည် ယေ သျှု အား စုံလင် တော် မူ စီ ရန် ဆင်းရဲဒုက္ခကို ခံယူစီတော်မူခြင်းသည် ဖြောင့်မတ်မှန်ကန် တော်မူ၏။ အကြောင်းမူကား ယေသျှုသည် ထိုသူရို့ကို ကယ်တင်ခြင်းသို့ ပို့ဆောင်ပီးသောသူတစ်ယောက် ဖြစ် သောကြောင့်တည်း။

11 ကိုယ်တော်သည် လူတို့ကို အပြစ်မှ သန့်ယှင်း စင်ကြယ်တော်မူ၏။ ကိုယ်တော်နှင့် သန့်ယှင်းစင်ကြယ် ခြင်းကို ခံရသောသူအားလုံး၏ အဖသည် တစ်ဦးတည်း ဖြစ်သောကြောင့် ယေသျှုသည် သူရို့ကို မိမိ၏ညီအစ်ကို မောင်နှမတို့ဟု ခေါ်ရန် ရှက်တော်မမူ။

12 အသျှင်ယေသျှုက ဘုရားသခင်အား လျှောက်ထား သည်မှာ

“အကျွန်ုပ် သည် ကိုယ်တော် ပြု တော် မူ သော အမှု ကို အကျွန်ုပ်၏ ညီအစ်ကို မောင်နှမတို့ကို ပြောကြားပါ မည်။

သူရို့၏ ဝတ်ပြုစည်းဝေးပွဲ၌ ကိုယ်တော့်ကို ချီးမွမ်း ပါမည်” ဟု ဖြစ်၏။

13 တဖန် အသျှင်ယေသျှုက “ငါသည် ဘုရားသခင်ကို ကိုးစားပါမည်။ ဤအရပ်၌ ဘုရားသခင်သည် ငါ့အား ပီးအပ်ထားသော သားသမီးတို့နှင့်အတူ ဟိပါ၏” ဟု လျှောက်ထားတော်မူ၏။

14 အသျှင်ယေသျှုက သားသမီးတို့ဟု ခေါ်သော သူရို့

သည် အသွီးအသားနှင့် တည်ဆောက်ထားသော လူသား တိဖြစ်သောကြောင့် ယေသျှုကိုယ်တိုင် ထိုသူရို့ကဲ့သို့ လူ့ ဇာတိကို ခံယူတော်မူခ၏။ ထိုသို့ပြုခြင်းမှာ သီခြင်းတရား ကို အစိုးရသောသူတည်းဟူသော မာရ်နတ်အား မိမိ၏အ သီခံခြင်းအားဖြင့် ဖျက်ဆီးပစ်ရန် ဖြစ်၏။

15 ထို့အပြင် ဤနည်း အားဖြင့် သီခြင်း တရား ကို ကြောက်၍ ဘဝတလျှောက်လုံး ကျန်ခံနိုင်ကြရသော သူ တို့ကို လွတ်မြောက်စီတော်မူ၏။

16 အကယ်စင်စစ် ကိုယ်တော်သည် ကောင်းကင်တမန် တို့ကို ကူညီမစ တော်မူသည် မဟုတ်၊ အာဗြဟံ၏ အမျိုး အနွယ်တို့ကို ကူညီ မစ တော်မူ၏။

17 အကြောင်းမှာ လူတို့ အပြစ်မှ ခွင့်ရှုတ်ခြင်း ရ စီခြင်းငှာ ကိုယ်တော်သည် ဘုရားသခင်၏အမှုတော်ကို ဆောင်ရွက် ရာ၌ သစ္စာနှင့် လည်းကောင်း ကရုဏာနှင့် လည်းကောင်း ပြည့်စုံသော ယဇ်ပုရောဟိတ်မင်း ဖြစ်လာ စီရန်နှင့် အရာရာ၌ မိမိ၏ညီအစ်ကို မောင်နှမ ကဲ့သို့ ဖြစ်လာစီရန် ဖြစ်၏။

18 ထို့အပြင် ကိုယ်တော်သည် မိမိကိုယ်တိုင် စုံစမ်းသွီး ဆောင်ခြင်းနှင့် ဆင်းရဲဒုက္ခကို ခံခရသည်ဖြစ်၍ အဂုတွင် စုံစမ်းသွီးဆောင်ခြင်းခံရသော သူတို့ကို ကူညီနိုင်တော် မူ၏။

မောသျှေထက် ကြီးမြတ်တော်မူသော ယေသျှု

¹ ဘုရားသခင် ခေါ်ထားတော်မူသော ငါ၏ခရစ်ယာန် ညီအစ်ကို မောင်နှမရို့၊ ငါရို့ ဝန်ခံထားသော ယုံကြည်ခြင်း တရားနှင့်ဆိုင်သော ယဇ်ပုရောဟိတ်မင်း ဖြစ်တော်မူခြင်း ငှာ ဘုရားသခင် စီရင်တော်မူသော ယေသျှုအကြောင်း ကို စဉ်းစားဆင်ခြင်ကြလော့။

² မော သျှေ သည် ဘုရားသခင်၏အိမ် တော်၌ လုပ်ဆောင် ရ သည့် အလုပ်တွင် သစ္စာ ဟိ သကဲ့သို့ ကိုယ်တော်သည် ဤအမှုတော်ကို ဆောင်ရွက်ရန် ခန့်အပ် တော်မူသော ဘုရားသခင်ကို သစ္စာဟိတော်မူ၏။

³ အိမ်ကို ဆောက်သောသူသည် အိမ်ထက် သာ၍ ချီးမြှောက်ခြင်းကို ခံထိုက်သကဲ့သို့ ယေသျှုသည် မော သျှေထက်သာ၍ ဂုဏ်ပြုခြင်းကို ခံထိုက်ပေ၏။

⁴ အိမ် မည်သည် ကား တည်ဆောက် သော သူ တစ် ဦး ကြောင့် ဖြစ်၏။ သို့ရာတွင် အရာ ခပ်သိမ်း ကို တည်ဆောက်သောသူသည် ဘုရားသခင်ဖြစ်၏။

⁵ မောသျှေသည် နောင်အခါ၌ ဘုရားသခင်ဟောကြား မည့် အရာများကို သက်သီခံလျက် ဘုရားသခင်၏အိမ် တော်၌ အစီခံတစ်ယောက် အဖြစ်ဖြင့် သစ္စာ ဟိ တော်မူ ခ၏။

⁶ သို့ရာတွင် ယေသျှုသည် ဘုရားသခင်၏အိမ်တော်ကို အုပ်စိုးရသော သားတော်အဖြစ်ဖြင့် သစ္စာဟိတော်မူ၏။ ငါရို့သည် ရဲစွမ်းသတ္တိနှင့် ပြည့်စုံလျက်၊ ငါရို့၏မျှော်လင့်

သောအရာ၌ တည်နိုင်ကြလျှင် ကိုယ်တော်၏အိမ်တော်ပင် ဖြစ်ကြ၏။

ဘုရားသခင်သားသမီးတိအတွက် နားခိုရာ

⁷ သို့ဖြစ်၍ သန့်ယှင်းသော ဝိညာဉ်တော်က မိန့်တော်မူသည်မှာ၊

“ဤနို့တွင် သင်ရို့သည် ဘုရားသခင်၏အသံတော်ကို ကြားလျှင်၊

⁸ သင်ရို့၏ အဖိုး အဖီး ရို့သည် သဲကန္တာရ၌ ဘုရားသခင်ကို ပုန်ကန်၍ စုံစမ်းကြသကဲ့သို့ သင်ရို့သည် စိတ်နှလုံးမကြောခြင်း မဟံကတ်ကေ။

⁹ ထိုအရပ်၌ သူရို့သည် အနှစ်လေးဆယ်ကြာ ငါပြုသော အမှုကို မြင်ကြရသော်လည်း

ငါ့ကို စုံစမ်းရန် ကြိုးစားကြလေ၏။

¹⁰ ထို့ကြောင့် ငါသည် သူရို့ကို အမျက်တော်ထွက်၍ ကျိန်ဆိုတော်မူသည်မှာ၊

‘သူရို့သည် အမြဲတမ်း သစ္စာဖောက်ကြပြီးလျှင်၊ ငါ့ပညတ်တော်များကို လိုက်နာရန် ငြင်းဆန်ကြ၏။’

¹¹ ငါသည် အမျက်တော်ထွက်၍ ကျိန်ဆိုတော်မူသည်မှာ၊

‘သူရို့သည် ငါပီးမည့် ငြိမ်ဝပ်ချမ်းသာသော ပြည်တော်သို့ လုံးဝ ဝင်ကြရလိမ့်မည် မဟုတ်’” ဟူ၍ ဖြစ်၏။

12 ငါ၏ညီအစ်ကို မောင်နှမ ရို့ အလွန် ဆိုးယုတ် ပြီး ယုံကြည် မှု ကင်း မဲ့ သည့် စိတ်နှလုံး ဟံ သော သူ သည် အသက် ရှင်တော် မူ သော ဘုရားသခင် မှ ဝီး ကွာ လား တတ်၏။ ထိုသို့သောသူ တစ်ဦးတစ်ယောက်မျှ သင်ရို့၌ မဟိစီခြင်းငှာ သတိထားကြလော့။

13 သင်ရို့သည် အပြစ်၏လှည့်စားခြင်းအားဖြင့် ဂေါင်း မာသောသူတို့ ဖြစ်မလာစီခြင်းငှာ ကျမ်းစာ၌ ပါသော “ဤ နို့” တည်းဟူသော နို့ရက် ဟံသမျှကာလပတ်လုံး သင် ရို့သည် နို့တိုင်း တစ်ယောက်ကို တစ်ယောက် အားပီး တိုက်တွန်းကြလော့။

14 ငါရို့သည် အစဦးကပင် ရထားပြီးသော ယုံကြည် ခြင်း ကို အဆုံး တိုင်အောင် ဆုပ်ကိုင် ထား ကြ လျှင် ခရစ်တော်နှင့်အတူ လုပ်ဖော်ကိုင်ဖက်များကြ၏။

15 ကျမ်းစာလာသည်ကား၊

“ဤနို့တွင် သင်ရို့သည် ဘုရားသခင်၏ အသံတော်ကို ကြားကြလျှင်

သင်ရို့၏အဖိုး အဖီးတိကဲ့သို့ ဂေါင်းမမာကတ်ကေ၊

အကြောင်းမူကား သူ ရို့ သည် ဘုရားသခင် ကို ဆန့်ကျင်ခံကြလေ၏” ဟူ၍ ဖြစ်၏။

16 ဘုရားသခင်၏ အသံတော်ကို ကြားသောသူတို့ကား ဇာသူတိလဲ။ ထိုသူရို့သည်ကား အဲဂုတုတုပြည်မှ မော သျှ ခေါ်ထုတ်လာသောသူများ ဖြစ်ကြ၏။

17 ဘုရားသခင် သည် နှစ် ပေါင်း လေး ဆယ် ကာလ

ပတ်လုံး အသူရို့ကို အမျက်တော်ထွက်ခလဲ။ ထိုသူရို့ကား ဒုစရိုက်အပြစ်ကို ပြု၍ တောကန္တာရ၌ လဲကျ၍ သီဆုံး လားကြသောသူရို့ ဖြစ်ကြ၏။

¹⁸ ဘုရားသခင်က ကျိန်ဆိုတော်မူသောအခါ “သူရို့သည် ငါ၏ ငြိမ်ဝပ်ချမ်းသာခြင်းထဲသို့ လုံးဝ ဝင်ရကြ လိမ့်မည် မဟုတ်” ဟု အသူရို့ကို ပြောခဖူးလဲ။ ထိုသူရို့သည်ကား ဘုရားသခင်ကို ဆန့်ကျင်သောသူရို့ ဖြစ်၏။

¹⁹ သူရို့သည် ထိုသို့ မဝင်နိုင်ခကြသည်မှာ မယုံကြည် ကြသောကြောင့် ဖြစ်သည်ဟု ငါရို့ သိကြရ၏။

4

¹ အဂုတွင် ကိုယ်တော်၏ကတိတော်နှင့် ဆိုင်သော ငြိမ်ဝပ်ချမ်းသာခြင်းသည် ငါရို့တွင် တည်လျက်ဟိ၏။ ထို့ကြောင့် သင်ရို့တစ်ဦးတစ်ယောက်မျှ ထိုချမ်းသာခြင်း ထဲသို့ မဝင်လိုက်ရဘဲ မနိန်ကြစီခြင်းငှာ ဂရုစိုက်ကြလော့။

² အကြောင်းမူကား သူရို့ ကြားခသည့်အတိုင်း ငါရို့သည်လည်း ထိုသတင်းကောင်းတရားတော်ကို ကြားပြီး ဖြစ်ကြ၏။ သို့ရာတွင် ထိုသတင်းကောင်းတရားသည် သူရို့အဖို့ ကောင်းကျိုး မဟိခပေ။ အကြောင်းမှာ သူရို့သည် ထိုသတင်းကောင်းတရားကို ကြားကြသော်လည်း ယုံကြည်ခြင်းဖြင့် လက်မခံကြသောကြောင့်ဖြစ်၏။

³ ငါရို့မူကား ယုံကြည်ကြသောကြောင့် ဘုရားသခင်က တိပီးထားခသော ထိုချမ်းသာခြင်းကို ခံစားကြရ၏။ ဤသည်ကား၊

“ငါသည် အမျက်ထွက်၍ ကျိန်ဆိုခြင်းကို ပြုလေ၏။
 ‘သူရို့သည် ငါ၏ ငြိမ်ဝပ်ချမ်းသာခြင်းထဲသို့ လုံး
 ၀ ဝင်ကြလိမ့်မည် မဟုတ်’ ဟု ဘုရားသခင်မိန့်
 တော်မူသည့်အတိုင်းဖြစ်၏။”

ကိုယ်တော်သည် လောကကို ဖန်ဆင်းသည့်အချိန်မှစ၍
 မိမိ၏လုပ်ဆောင်မှုတိ ပြီးဆုံးလားသောငြားလည်း ဤ
 စကားကို မိန့်တော်မူခဲ့၏။

4 သတ္တမနိရက်နှင့် ပတ်သက်၍ ကျမ်းစာလာသည်ကား
 “ဘုရားသခင်သည် သတ္တမနိရက်တွင် မိမိ၏လုပ်ဆောင်မှု
 အားလုံးကို ရပ်တန့်ပြီး ငြိမ်ဝပ်စွာ အနားယူနိုင်လေ၏”
 ဟူ၍ ဖြစ်၏။

5 ထို့နောက် ဘုရားသခင်က တဖန် မိန့်တော်မူခဲ့သည်မှာ
 “သူရို့သည် ငါ၏ငြိမ်ဝပ်ချမ်းသာထဲသို့ မည်သည့်အခါမျှ
 ဝင်ရကြလိမ့်မည် မဟုတ်” ဟူ၍ ဖြစ်၏။

6 သတင်းကောင်းတရားကို အဦးဆုံး ကြားနာရသောသူ
 ရို့သည် မယုံကြည်ကြသောကြောင့် ထိုငြိမ်ဝပ်ချမ်းသာ
 ကို မခံစားခရကြပေ။ သို့သော် အခြားသူရို့သည်ကား ထို
 ငြိမ်ဝပ်ချမ်းသာကို ခံစားကြရ၏။

7 ဤသည်ကား ဘုရားသခင်က “ဤနိ” ဟု ခေါ်သော
 တခြားသော နိတစ်နိကို သတ်မှတ်ထားသည်မှာ မှန်ကန်
 ကြောင်းကို သက်သီပြလျက်ဟိ၏။ လွန်ခဲ့သော နှစ်ပေါင်း
 များစွာ အကြာက ဘုရားသခင်သည် ဤနိ အကြောင်း
 ကို ဒါဝိဒအားဖြင့် ပြောခဲ့သည်ကို ကျမ်းစာ၌ ဖော်ပြ

ထားသည်မှာ၊

“သင်ရို့သည် ဘုရားသခင်၏အသံတော်ကို ဤနို့ ကြားရလျှင်

စိတ်နှလုံး ခိုင်မာခြင်း မဟိကတ်ကေ။”

⁸ ယောသျှုသည် ဘုရားသခင် ကတိပီးခသော ငြိမ်ဝပ်ချမ်းသာခြင်းအကြောင်းကို လူတိအား ပြောထားခလျှင် ဘုရားသခင်သည် တခြားသောနို့ရက်ကို တဖန်ထပ်၍ မိန့်တော်မူလိမ့်မည် မဟုတ်ပေ။

⁹ သို့ဖြစ်၍ ဘုရားသခင်၏လူ တိ အတွက် ငြိမ်ဝပ်ချမ်းသာခြင်းနှင့်ဆိုင်သော ဥပုသ်နို့သည် ကျန်နိန်သိမ့်၏။

¹⁰ ဘုရားသခင်သည် မိမိလုပ်ဆောင်ခြင်းမှ ငြိမ်ဝပ်စွာ အနားယူသကဲ့သို့ ဘုရားသခင် ကတိပီးထားသော ငြိမ်ဝပ်ချမ်းသာခြင်းကို ခံစားကြရသောသူရို့သည် မိမိရို့၏အလုပ်မှ အနားယူကြရမည်။

¹¹ သူရို့သည် ယုံကြည်ခြင်း မဟိသောကြောင့် ထိုငြိမ်ဝပ်ချမ်းသာခြင်းကို ဆုံးယှုံးခကြသည့်နည်းတူ ငါရို့သည် ထိုသို့ မဆုံးယှုံးကြစီ ခြင်းငှာ အကောင်းဆုံး ကြိုးစားအားထုတ်ကြလော့။

¹² ဘုရားသခင်၏နှုတ်ကပတ် တော်သည် အသက်ရှင်၍ လှုပ်ယှားလျက်ဟိ၏။ ထိုနှုတ်ကပတ်တော်သည် အသွားနှစ်ဖက် ပါသော သံလျက်ဒါးထက် ပြတ်၏။ ထိုနှုတ်ကပတ် တော်သည် အသက်နှင့် ဝိညာဉ်ကို လည်းကောင်း၊ အရိုး အဆစ်နှင့် ခြင်ဆီ များကို

လည်းကောင်း ထိုးထွင်းပိုင်းခြားတတ်၏။ ထိုနှုတ်ကပတ်တော်သည် စိတ်နှလုံး အကြံအစည် နှင့် တပ်မက်မှု ကို ခွဲခြားသိမြင်တတ်၏။

¹³ ဘုရားသခင်၏ မျက်မှောက်တော်မှ ကွယ်ဝှက်ထားနိုင်သော အရာဟူ၍ မဟိ။ ဖန်ဆင်းထားသမျှသော အရာအားလုံးသည် ကိုယ်တော်၏မျက်မှောက်တော်၌ ထင်ရှားလျက်ဟိကြ၏။ သို့ဖြစ်၍ ငါရဲ့အားလုံးသည် မိမိရဲ့ ပြုသမျှအတိုင်း ပီးဆပ်ကြရလိမ့်မည်။

ကြီးမြတ်သော ယဇ်ပုရောဟိတ်မင်း ယေသျှု

¹⁴ သို့ဖြစ်၍ ငါရဲ့ ခံယူထားသော ယုံကြည်ခြင်းတရားကို ခိုင်ခံ့စွာ ဆုပ်ကိုင်ထားကြလော့။ အကြောင်းမူကား ဘုရားသခင်၏သားတော် ယေသျှု တည်း ဟူသော ကောင်းကင်ဘုံသို့ ဝင်ရောက်တော်မူသော ကြီးမြတ်တော်မူသည့် ယဇ်ပုရောဟိတ်မင်းတစ်ပါးသည် ငါရဲ့၌ ဟိတော်မူသောကြောင့် ဖြစ်၏။

¹⁵ ငါ ရဲ့၏ယဇ်ပုရောဟိတ် မင်း သည် ငါရဲ့၏အားနည်းချက်များကြောင့် ငါရဲ့ကို သနားကြင်နာစိတ် မဟိနိုင်သောသူ မဟုတ်ပေ။ တစ်နည်းဆိုသော် ငါရဲ့ခံရသည့်နည်းတူ အမျိုးမျိုးသော စုံစမ်းနှောင့်ယှက်ခြင်းကို ခံယူတော်မူသော ယဇ်ပုရောဟိတ်မင်း တစ်ပါးသည် ငါရဲ့၌ ဟိတော်မူ၏။ သို့ရာတွင် ထိုအသျှင်သည် ဒုစရိုက်အပြစ်နှင့် ကင်းလွတ်တော်မူ၏။

16 သို့ ဖြစ်၍ ငါ ရှိ သည် ယုံကြည် သော စိတ် ဖြင့် ဘုရားသခင်၏ကျေးဇူးတော်ပလ္လင်သို့ ချဉ်းကပ်ကြကုန်အံ့။ အကြောင်းမူကား ထိုအရပ်၌ ငါရှိသည် အကူအညီ လိုအပ်သည့်အချိန်၌ ကျေးဇူးတော်ကို တို့မြင်၍ ကရုဏာတော်ကို ခံစားကြရလိမ့်မည်။

5

1 ယဇ်ပုရောဟိတ်မင်းဟူသည်မှာ အပြစ်ဖြေရန်အတွက် ယဇ်ပူဇော်မှုများကို ဆောင်ရွက်ခြင်းနှင့် ပူဇော်သကာများကို ဆက်သခြင်းဖြင့် ဘုရားသခင်၏အမှုတော် မြတ်ကို မိမိရှိ၏ကိုယ်စား ဆောင်ရွက်စီခြင်းငှာ လူတိက ရွီးချယ်ခန့်ထားသောသူ ဖြစ်၏။

2 သူသည် မိမိကိုယ်တိုင်လည်း အားနည်းချက် များစွာဟိသောကြောင့် အသိပညာခေါင်းပါးသောသူတိနှင့် မှားယွင်းသောသူတိကို သည်းခံနိုင်၏။

3 ထို့အပြင် သူသည် မိမိကိုယ်တိုင် အားနည်းချက်ဟိသည်ဖြစ်၍ လူရှိ၏အပြစ်အတွက်သာမက မိမိအပြစ်အတွက်ပါ ပူဇော်သကာများကို ဆက်သရ၏။

4 မည်သူမျှ မိမိကိုယ်ကို ယဇ်ပုရောဟိတ်မင်းအဖြစ် မချီးမြှောက်နိုင်။ လူတစ်ယောက်သည် အာရုန်ကဲ့သို့ ယဇ်ပုရောဟိတ်မင်း ဖြစ်ခြင်းငှာ ဘုရားသခင်၏ ခေါ်တော်မူခြင်းအားဖြင့်သာ ဖြစ်နိုင်ပေ၏။

5 တစ်နည်းအားဖြင့် ဆိုသော် ခရစ်တော် သည် ယဇ်ပုရောဟိတ်မင်းအဖြစ် မိမိကိုယ်ကို ချီးမြှောက်သည်

မဟုတ်ပေ။

“သင်သည် ငါ့သားဖြစ်၏။

ဤနို့တွင် ငါသည် သင်၏အဖ ဖြစ်လေပြီ” ဟူ၍

ဘုရားသခင်က ကိုယ်တော်ကို မိန့်တော်မူလေ၏။

⁶ ဘုရားသခင်က အခြားသောကျမ်းချက်၌ မိန့်တော်မူခဲ့သည်မှာ၊

“သင်သည် မေလခိဇေဒက် ယဇ်ပုရောဟိတ်မင်း အရာ၌၊

*

ထာဝရ ယဇ်ပုရောဟိတ်မင်း တစ်ပါး ဖြစ်လိမ့်မည်”

ဟူ၍ ဖြစ်၏။

⁷ ယေ သျှု သည် လောက တွင် အသက် ရှင် စဉ် ကာလ၌ မိမိအား သီခြင်းတရားမှ ကယ်တင်နိုင်သော ဘုရားသခင်၌ ငိုယို၍ မျက်ရည်ကျလျက် တောင်းပန်၍ ဆုတောင်းပတုထနာ ပြုခဲ့၏။ ကိုယ်တော်သည် စိတ်နှလုံး နှိမ့်ချလျက် အလိုတော်ကို ဝန်ခံတော်မူသောကြောင့် ဘုရားသခင်သည် ကိုယ်တော်၏ ဆုတောင်းပတုထနာကို နားညောင်းတော်မူလေ၏။

⁸ ကိုယ်တော်သည် ဘုရားသခင်၏သားဖြစ်သော်လည်း ဆင်းရဲဒုက္ခကို ခံယူ၍ နာခံတတ်ရန် သင်ယူတော်မူခဲ့၏။

⁹ ထို့ကြောင့် ကိုယ်တော်သည် စုံလင်ခြင်းသို့ ရောက်သောအခါ မိမိကို နာခံသောသူအပေါင်းရှိအား ထာဝရ

* 5:6 မေလခိဇေဒက် ယဇ်ပုရောဟိတ်မင်း အရာ၌၊ သို့မဟုတ် မေလခိဇေဒက် ယဇ်ပုရောဟိတ်ကဲ့သို့၊ သို့မဟုတ် မေလခိဇေဒက်၏အရာကို ကာလအစဉ်အဆက်။ 5:7 မ ၂၆:၃၆-၄၆; မာ ၁၄:၃၂-၄၂; လု ၂၂:၃၉-၄၆

ကယ်တင်ခြင်းကို ပီးသောအသျှင် ဖြစ်လာတော်မူ၏။

¹⁰ ထိုသို့ဖြင့် ဘုရားသခင်က ကိုယ်တော့်ကို မေလခိဇေဒက် ယဇ်ပုရောဟိတ်မင်း အရာ၌ † ခန့်အပ်တော်မူ၏။

ယုံကြည်ခြင်းကို မစွန့်ပစ်ရန် သတိပီးခြင်း

¹¹ ဤအကြောင်းအရာနှင့်ပတ်သတ်၍ ငါရို့သည် ပြောစရာ များစွာဟိသော်လည်း သင်ရို့သည် ဉာဏ်နုံသောကြောင့် နားလည်ဖို့ရန် ခဲယဉ်း၏။

¹² အကြောင်းမူကား အဂူအချိန်၌ သင်ရို့သည် ဆရာအဖြစ်သို့ ရောက်သင့်ကြပြီ။ သို့သော်လည်း တစ်ဦးတစ်ယောက်က သင်ရို့အား ဘုရားသခင်၏ နှုတ်ကပတ်တော်နှင့်ဆိုင်သော အခြေခံသမ္မာတရားကို တဖန်ပြန်၍ သင်ကြားပီးဖို့ရန် လိုနိန်သိမ့်၏။ သင်ရို့သည် ကြေခဲသောအစာကို မစားနိုင်သိမ့်။ နို့ကိုသာ သောက်၍ နိန်သင့်၏။

¹³ နို့နှင့် အသက်ရှင်သောသူသည် နို့စို့သူငယ် တစ်ယောက်သာ ဖြစ်သိမ့်သောကြောင့် ထိုသူသည် ဖြောင့်မတ်ခြင်းတရားအကြောင်းကို သင်ကြားရာ၌ နားမလည်နိုင်။

¹⁴ တစ် နည်း ဆို သော် ကြေ ခဲ သော အစာ သည် အရွယ်ရောက်ပြီးသော သူရို့အတွက်သာ ဖြစ်၏။ ထိုသူရို့သည် လေ့ကျင့် ထားပြီးဖြစ်သောကြောင့် အကောင်းအဆိုးကို ပိုင်းခြားသိမြင်နိုင်စွမ်း ဟိကြ၏။

† 5:10 မေလခိဇေဒက် ယဇ်ပုရောဟိတ်မင်း အရာ၌၊ (ရှု ၅.၆)။ 5:12 ဝကော ၃.၂

6

1 သို့ဖြစ်၍ ငါရို့သည် ခရစ်ယာန်တရားတော်၏ အခြေခံသွန်သင်ချက်များကို ကျော်လွန်၍ ရင့်ကျက်သော သြဝါဒတရားတို့ကို ကျင့်ကြကုန်အံ့။ သိခြင်းတရားသို့ ပို့ဆောင်သော အကျင့်များမှ နောင်တရခြင်း၊ ဘုရားသခင်ကို ယုံကြည်ခြင်း၊

2 ဗတုတိဇိတရား*ကို သွန်သင်ခြင်း၊ လက်တင်ဆုတောင်းပီးခြင်း၊ သိခြင်းမှ ထမြောက်ခြင်းနှင့် ထာဝရတရားစီရင်ခြင်း စသည့် အခြေခံတရားများကို ငါရို့သည် တဖန်ပြန်၍ မသင်အပ်ယာ။

3 ဘုရားသခင် အခွင့်ပီးတော်လျှင် ငါရို့သည် ထိုအရာများကို ဆက်လက်၍ လုပ်ဆောင်ကြကုန်အံ့။

4 မိမိရို့၏ယုံကြည်ခြင်းကို စွန့်ပစ်သော သူရို့သည် နောက်တဖန် ဇာပိုင် နောင်တရနိုင်ပါအံ့နည်း။ အကြောင်းမူကား သူရို့သည် တစ်ခါက ဘုရားသခင်၏အလင်းအောက်၌ ကောင်းကင်ဆုကျေးဇူးကို မြည်းစမ်းဖူးသောသူ၊ သန့်ယှင်းသောဝိညာဉ်တော်ကို ခံယူဖူးသောသူ၊

5 ဘုရားသခင်၏နှုတ်ကပတ်တော် ကောင်းမြတ်တော်မူကြောင်းကို လက်တို့ ခံစားဖူးသောသူ၊ နောင်ကာလ၏တန်ခိုးတော်တို့ကို လည်း ခံစားဖူးကြသောသူများဖြစ်ကြ၏။

* 6:2 ဗတ္တိဇိတရား၊ သို့မဟုတ် သန့်ယှင်းစင်ကြယ်ခြင်း အခမ်းအနား။

6 သို့သော်လည်း သူ့ရဲ့သည် မိမိရဲ့၏ယုံကြည်ခြင်းကို စွန့်ကြလေပြီတကား။ သူ့ရဲ့သည် ဘုရားသခင်၏သားတော်ကို လက်ဝါးကပ်တိုင်မှာ တဖန် တင်၍ သတ်လျက် လူအများတို့ရဲ့မှာ အရှက်ခွဲနိန့်ကြသည်ဖြစ်၍ သူ့ရဲ့အတွက် နောင်တတရားဟူ၍ မဟိတ။

7 အကြိမ်ကြိမ် ရွာသွန်းသည့် မိုးရီကို သောက်လျက် ထွန်ယက်စိုက်ပျိုးသောသူတို့ သုံးဆောင်အံ့သော ငှာ သီးပင်စားပင်များကို ဖြစ်ထွန်းစီသော မြီကြီးကို ဘုရားသခင်သည် ကောင်းကြီးပီးတော်မူ၏။

8 သို့ရာတွင် ဆူးပင် ပေါင်းပင်တို့ကို ဖြစ်ထွန်းစီသော မြီကြီးသည် အသုံးမဝင်။ ထိုမြီကြီးသည် ဘုရားသခင်၏ ကျိန်ခြင်းကို ခံရသောမြီဖြစ်၍ မီးဖြင့် ဖျက်ဆီးခြင်းကို ခံရလိမ့်မည်။

9 သို့ရာတွင် ချစ်သော မိတ်ဆွေရဲ့၊ ငါရဲ့သည် ဤကဲ့သို့ ပြောဆိုကြသော်လည်း သင်ရဲ့နှင့် ပတ်သက်၍ အမှန်ပင် ခံစားရပါ၏။ သင်ရဲ့မှာ သာ၍ ကောင်းမွန်သော ကယ်တင်ခြင်းဆိုင်ရာ ကောင်းကြီးများ ပိုင်ဆိုင်ထားကြကြောင်းကို ငါရဲ့ သိကြ၏။

10 ဘုရားသခင်သည် တရားမျှတမှုမဟိသော အသျှင် မဟုတ်ပေ။ သင်ရဲ့ဆောင်ရွက်သော အမှုကို လည်းကောင်း၊ အခြားသော ခရစ်ယာန်ညီအစ်ကိုများ ကူညီမစခြင်းအားဖြင့် ကိုယ်တော်သျှင်အား ပြသသော သင်ရဲ့၏ချစ်ခြင်းမေတ္တာကိုလည်းကောင်း ဘုရားသခင်

သည် မိုလျော့လိမ့်မည် မဟုတ်ပေ။

11 ငါ့ရို့၏ ကြီးမားသော ဆန္ဒသည် သင်ရို့တစ်ယောက်စီ တိုင်း၏မျှော်လင့်ချက်များ ပြည့်စုံလာစီရန် သင်ရို့၏စိတ်အားထက်သန်မှုကို အဆုံးတိုင်အောင် ခိုင်မြဲစီခြင်းငှာ ဖြစ်၏။

12 ငါ့ရို့သည် သင်ရို့အား ပျင်းရိသောသူများ ဖြစ်လာစီခြင်းငှာ အလိုမဟိ။ သို့ရာတွင် ယုံကြည်ခြင်းအားဖြင့် သော်လည်းကောင်း၊ စိတ်ရှည် သည်းခံသော အားဖြင့် သော်လည်းကောင်း၊ ဘုရားသခင်၏ကတိတော်ကို အမှီခံရသောသူတို့ကဲ့သို့ ပြုမူကျင့်ကြံစီခြင်းငှာ အလိုဟိကြ၏။

ဘုရားသခင်၏ စစ်မှန်သော ကတိတော်

13 ဘုရားသခင်သည် အာဗြဟံကို ကတိပီးတော်မူသောအခါ မိမိထက် ကြီးမြတ်သောသူ မဟိသောကြောင့် မိမိ၏နာမကို တိုင်တည်၍ ကျိန်ဆိုတော်မူခ၏။

14 ကိုယ်တော်က “ငါသည် သင့်အား ကောင်းကြီးပီးမည်၊ သင်၏ အမျိုးအနွယ်ကို ပွားများစီမည်” ဟု မိန့်တော်မူခ၏။

15 အာဗြဟံ သည် စိတ်ရှည် သည်းခံသောကြောင့် ဘုရားသခင်၏ကတိတော်ကို ရဟိခ၏။

16 လူအပေါင်းရို့သည် ကျိန်ဆိုခြင်းကို ပြုသောအခါ မိမိရို့ထက်သာ၍ ကြီးမြတ်သော ပုဂ္ဂိုလ်တစ်ဦး တစ်ယောက်ကို တိုင်တည်၍ ကျိန်ဆိုလေ့ဟိကြ၏။ ထိုသို့

ကျိန်ဆိုခြင်းသည် အချင်းချင်း အငြင်းပွားမှုများကို ပြေငြိမ်းစီ၏။

17 ဘုရားသခင်က မိမိ၏ အကြံအစည်တော်သည် ဇာခါမျှ ပြောင်းလဲတော်မမူကြောင်းကို မိမိ၏ကတိတော်ကို အမှီခံကြရမည့်သူတို့အား ယှဉ်းလင်းစွာ သိစိလိုသည်ဖြစ်၍ ကျိန်ဆိုခြင်းဖြင့် ကတိတော်ကို ခိုင်မြဲစီ၏။

18 ဘုရားသခင်သည် မုသာကို ပြောဆိုတော်မမူသောကြောင့် ကတိတော်နှင့် ကျိန်ဆိုခြင်းသည် မပြောင်းလဲနိုင်သော အရာနှစ်ပါး ဖြစ်၏။ မိမိရှိရှိ၌ ချထားသော မျှော်လင့်ခြင်းကို ခိုင်မြဲစွာ ဆုပ်ကိုင်ထားကြရန် ဘုရားသခင်၌ ခိုလှုံနိုင်ကြသောငါရို့အား ထိုသို့ တိုက်တွန်းထားခြင်းဖြစ်၏။

19 ငါရို့၏အသက်အတွက် အာမခံ၍ စိတ်ချရသော ကျောက်ဆူးတစ်ခု ကဲ့သို့ ဤမျှော်လင့်ခြင်းကို ငါရို့၌ ချထားလျက်ဟိ၏။ ဤမျှော်လင့်ခြင်းသည်ကား ကောင်းကင်ဗိမာန်တော်၏ကန်လန့်ကာအတွင်း သန့်ယှဉ်းရာဌာနတော်သို့ ဝင်ရောက်တော်မူ၏။

20 မေလခိဇေဒက် အရာကို ဆက်ခံတော်မူသော ထာဝရယဇ်ပုရောဟိတ်မင်း†တစ်ပါး ဖြစ်လာတော်မူသော ယေသျှုသည် ငါရို့၏ ရှိတော်ဗြီးတစ်ယောက်အဖြစ်ဖြင့် ထိုဌာနတော်ထဲသို့ ဝင်ရောက်တော်မူ၏။

† 6:20 မေလခိဇေဒက် အရာကို ဆက်ခံတော်မူသော ထာဝရယဇ်ပုရောဟိတ်မင်း၊ (ရှု ၅.၆)။

7

ယဇ်ပုရောဟိတ် မေလခိဇေဒက်

¹ ဤ မေ လ ခိ ဇေ ဒက် သည်ကား ယှာ လင် မြို့၏ဘုရင် ဖြစ် သည့် အပြင် အမြင့် ဆုံး သော ဘုရားသခင်၏ယဇ်ပုရောဟိတ်မင်း တစ်ပါးဖြစ်လေ၏။ အာဗြဟံသည် သျှင်ဘုရင်လေးပါးနှင့် တိုက်ခိုက်သော တိုက်ပွဲကို အောင်မြင်၍ ပြန်လာစဉ်တွင် မေလခိဇေဒက် သည် သူ့အား ခရီးဦးကြိုဆို၍ ကောင်းကြီးပီးလေ၏။

² ထိုအခါ အာဗြဟံသည်လည်း မိမိသိမ်းယူလာသော ပစ္စည်းဥစ္စာ အားလုံး၏ ဆယ်ဖို့တစ်ဖို့ကို သူ့အား ပီး လျှူလေ၏။ မေလခိဇေဒက်ဟူသောနာမည်၏ ပထမ အနက် အဓိပ္ပာယ် မှာ “ဖြောင့်မတ် ခြင်း၏ဘုရင်” ဟူ၍ ဖြစ်၏။ သူသည် ယှာလင်မြို့၏ဘုရင်ဖြစ်၍ “ငြိမ်သက် ခြင်း၏ဘုရင်” ဟူ၍လည်း အဓိပ္ပာယ်ရ၏။

³ မေလခိဇေဒက်သည် အမိ အဖ၊ ဆွီမျိုး ဟူ၍ မ ဟိပေ။ ဘဝ၏အစ အဆုံးဟူ၍လည်း မဟိပေ။ သူ သည် ဘုရားသခင်၏သားတော်နှင့်တူ၍ ယဇ်ပုရောဟိတ် တစ်ပါးအဖြစ် ထာဝရ တည်တော်မူ၏။

⁴ ငါရို့ အမျိုး၏ ထင်ရှားသော အဖိုးဖြစ်သူ အာဗြ ဟံသည် တိုက်ပွဲမှ မိမိသိမ်းယူလာသော ပစ္စည်းဥစ္စာ အားလုံး၏ ဆယ်ဖို့တစ်ဖို့ကို သူ့အား ပီးလှူခရသည်ဆို သော် ထိုသူသည် ဇာလောက် ကြီးမြတ်တော်မူသည်ကို သင်ရို့ သဘောပေါက်ကြလော့။

5 ယဇ်ပုရောဟိတ်တိဖြစ်သော လေဝိမျိုးနွယ်များသည် အာဗြဟံမှ ဆင်းသက်လာသော မိမိရို့၏ကူသရေလလူများ ဖြစ်ကြသော်လည်း ကူသရေလလူမျိုးများက ဆယ်ဖို့တစ်ဖို့ကို စုဆောင်း၍ ပီးလူကြရန် ပညတ်ထားတော်မူ၏။

6 မေလခိဇေဒက်သည် လေဝိမျိုးနွယ်မှ ဆင်းသက်လာသောသူ မဟုတ်သော်လည်း အာဗြဟံပါးက ဆယ်ဖို့တစ်ဖို့ကို ခံယူ၍ ဘုရားသခင်၏ကတိတော်များကို ရဟံထားသော အာဗြဟံအား ကောင်းကြီးပီးလေ၏။

7 ကောင်းကြီးပီးသောသူသည် ကောင်းကြီးပီးခြင်းကို ခံရသောသူထက် သာ၍ ကြီးမြတ်သည်မှာ သံသယဖြစ်ဖွယ်မဟိပေ။

8 ဤနီရာ၌ ဆယ်ဖို့တစ်ဖို့ကို ကောက်ခံကြသော ယဇ်ပုရောဟိတ်ရို့သည် သီဆုံးတတ်သော လူသားတိဖြစ်ကြ၏။ သို့သော်လည်း ဆယ်ဖို့တစ်ဖို့ကို ကောက်ခံသော မာလခိဇေဒက်သည်ကား အသက်ရှင်သောသူ ဖြစ်သည်ဟု ကျမ်းစာက ဆိုထား၏။

9 ထို့ကြောင့် ဆယ်ဖို့တစ်ဖို့ကို ခံယူကြသော လေဝိရို့သည်လည်း အာဗြဟံအားဖြင့် ဆယ်ဖို့တစ်ဖို့ကို ပီးလျှူခံကြသည်ဟု ဆိုနိုင်၏။

10 အကြောင်းမူကား မေလခိဇေဒက်သည် အာဗြဟံအား တို့ဆုံသောအခါ လေဝိသည်လည်း သူ၏အဖိုးခန္ဓာကိုယ်ထဲ၌ ဟိနိန်ခသောကြောင့် ဖြစ်၏။

11 ပညတ်တရားကို ကူသရေလလူမျိုးတိအား ပီး

အပ်ထားသည်မှာ လေဝိမျိုးနွယ် ယဇ်ပုရောဟိတ်တို့၌ အခြေခံထားခြင်းဖြစ်၏။ အဂ္ဂုအခါ လေဝိမျိုးနွယ် ယဇ်ပုရောဟိတ်တို့၏လုပ်ဆောင်မှုသည် ပြည့်စုံလျှင် အာရုန်ကဲ့သို့ မဟုတ်ဘဲ မေလခိဇေဒက် အရာကို ဆက်ခံတော်မူသော ယဇ်ပုရောဟိတ်တစ်ပါး* ပေါ်ထွန်းလာဖို့ မလိုအပ်ပေ။

¹² ထို့ကြောင့် ယဇ်ပုရောဟိတ်အမျိုး ပြောင်းလျှင် ပညတ်တရားလည်း ပြောင်းရမည်။

¹³ ဤအကြောင်းအရာများကို မိန့်တော်မူသော ငါရို့၏အသျှင်ဘုရားသည် ယဇ်ပုလ္လင်၌ ဆောင်ရွက်ရသော ယဇ်ပုရောဟိတ်အနွယ်ဝင်မဟုတ်၊ အခြားတစ်ပါးသော အမျိုးအနွယ်မှ ဆင်းသက်လာသော သူဖြစ်၏။

¹⁴ အကျွန်ုပ်ရို့၏ သခင်ဘုရားသည် ယုဒလူမျိုးထဲ၌ မိုးဖွားခသည်မှာ ထင်ရှား၏။ မောသျှေသည် ယဇ်ပုရောဟိတ်အကြောင်းကို ပြောခသည့်အချိန်မှာ ဤယုဒလူမျိုးနှင့် ပတ်သက်၍ တစ်ခုမျှ မပြောခပေ။

မေလခိဇေဒက်ကဲ့သို့သော ယဇ်ပုရောဟိတ်

¹⁵ ထို့အပြင် မေလခိဇေဒက်ကဲ့သို့ အခြားသော ယဇ်ပုရောဟိတ်တစ်ပါး ပေါ်ထွန်းလာခြင်းသည် ငါရို့ပြောခသည့် အရာများ သာ၍ ထင်ရှားလာခြင်းဖြစ်၏။

¹⁶ ထိုအသျှင်ကို ယဇ်ပုရောဟိတ်တစ်ပါးအဖြစ် ခန့်အပ်ထားသည်မှာ လူရို့၏ စည်းမျဉ်းဥပဒေ၊ အမိန့်အာဏာ

* 7:11 မေလခိဇေဒက် အရာကို ဆက်ခံတော်မူသော ယဇ်ပုရောဟိတ်တစ်ပါး၊ (ရှု ၅.၆)။

ဖြင့် ခန့်အပ်ထားခြင်း မဟုတ်၊ မပျက်စီးနိုင်သော အသက်တာ၏ တန်ခိုးအာနုဘော်အားဖြင့် ခန့်အပ်ထားခြင်းဖြစ်၏။

17 အကြောင်းမူကား “သင်သည် မေလခိဇေဒက် အရာကို ဆက်ခံတော်မူသော ထာဝရ ယဇ်ပုရောဟိတ်မင်း[†] ဖြစ်လိမ့်မည်” ဟု ကျမ်းစာက မိန့်တော်မူထားသောကြောင့် ဖြစ်၏။

18 ယခင်ပညတ်တရားသည် အားနည်း၍ အသုံးမဝင်သောကြောင့် ဖယ်ထားကြ၏။

19 မောသျှ၏ပညတ်တရားသည် ပြည့်စုံခြင်းသို့ မရောက်နိုင်၊ အဂ္ဂအခါ သာ၍ကောင်းမြတ်သော မျှော်လင့်ခြင်း တစ်ခုကို ရထားကြသည် ဖြစ်၍ ငါ့ရို့သည် ထိုမျှော်လင့်ခြင်းအားဖြင့် ဘုရားသခင်ထံတော်ပါးသို့ ရောက်လာကြ၏။

20 တဖန် ဘုရားသခင် ကျိန်ဆိုတော်မူခြင်းသည်လည်း ဟိ၏။ လေဝီမျိုးနွယ်များကို ယဇ်ပုရောဟိတ် ခန့်အပ်သောအခါ ထိုသို့ကျိန်ဆိုတော်မူခြင်း မဟိပေ။

21 သို့ရာတွင် ထိုသို့ ဘုရားသခင် ကျိန်ဆိုတော်မူခြင်းအားဖြင့် ယေသျှသည် ယဇ်ပုရောဟိတ် တစ်ပါး ဖြစ်လာ၏။

“ဘုရားသခင်က ကတိ ပီးတော်မူ၏

[†] 7:17 မေလခိဇေဒက် အရာကို ဆက်ခံတော်မူသော ထာဝရ ယဇ်ပုရောဟိတ်မင်း၊ (ရှု ၅.၆)။

ထို့နောက် ထိုကတိတော်ကို ပြန်၍ ရုတ်သိမ်းတော်မူ
လိမ့်မည် မဟုတ်၊

‘သင် သည် ထာဝရ ယဇ်ပုရောဟိတ် တစ်ပါး ဖြစ်
လိမ့်မည်။’”

22 ဤသို့ ကျိန်ဆိုတော်မူခြင်းကြောင့် ယေသျှုသည်
သာ၍မြတ်သော ပဋိညာဉ်တရားတော်၏ အာမခံ ဖြစ်
တော်မူ၏။

23 အဂုအခါ ထိုသို့သော ယဇ်ပုရောဟိတ် များစွာဟိ
ကြလေ၏။ အကြောင်းမူကား သူရို့သည် သီဆုံးလားကြ
သည်ဖြစ်၍ မိမိရို့အလုပ်ကို ဆက်လက်၍ မလုပ်နိုင်ကြ
ပေ။

24 သို့ရာတွင် ယေသျှုသည် ထာဝရအသက်ရှင်တော်
မူသည် ဖြစ်၍ သူသည် ပြောင်းလဲခြင်း မဟိသော
ယဇ်ပုရောဟိတ်ဖြစ်တော်မူ၏။

25 ထို့ကြောင့် အဂုတွင် ကိုယ်တော်သည် မိမိအားဖြင့်
ဘုရားသခင် ထံ ပါးသို့ ရောက်လာ ကြသော သူရို့အား
ကယ်တင်ခြင်းငှာ အစဉ်သဖြင့် တတ်နိုင်တော်မူ၏။
အကြောင်းမူကား ကိုယ်တော်သည် ထိုသူရို့အတွက်
ဘုရားသခင်ကို အသနားခံရန် ထာဝရအသက်ရှင်တော်မူ
သောကြောင့်ဖြစ်၏။

26 ထို့ကြောင့် ယေသျှုသည် ငါရို့လိုအပ်သော
ယဇ်ပုရောဟိတ်မင်း အမှန်ပင် ဖြစ်တော်မူ၏။ ကိုယ်တော်
သည် မြင့်မြတ်သန့်ယှဉ်း၍ အပြစ်ကင်းစင်တော်မူ၏။
ကိုယ်တော်သည် အပြစ်သားတို့နှင့် ခြားထားခြင်းကို ခံရ

ပြီးလျှင် ကောင်းကင်ဘဝဂ်တိုင်အောင် ချီးမြှောက်ခြင်းကို ခံတော်မူ၏။

²⁷ ကိုယ်တော်သည် အခြားသော ယဇ်ပုရောဟိတ်မင်း ရှို့ကဲ့သို့ နှိစဉ်နှိတိုင်း ယဇ်ပူဇော်ရန် မလိုအပ်ပေ။ အခြား သော ယဇ်ပုရောဟိတ်တို့မှာ ကား မိမိရှိ အပြစ်အတွက် ပထမဦးစွာ ပူဇော်သကာကို ပူဇော်ပြီးနောက် လူတိအပြစ် အတွက် တဖန် ပူဇော်သကာကို ပူဇော်ကြရ၏။ သို့ရာတွင် ယေသျှုသည် မိမိကိုယ်ကို ပူဇော်သောအခါ လူသား အားလုံး၏ အပြစ်အတွက် တစ်ခါတည်း အပြီးပူဇော်ထား ပြီးဖြစ်၏။

²⁸ မောသျှု၏ပညတ်တရားက ပြီးပြည့်စုံလင်ခြင်းမဟိ သော လူတို့ကို ယဇ်ပုရောဟိတ်မင်းတိအဖြစ် ခန့်ထား၏။ သို့သော် ပညတ် တရား၏ နောက်မှ ရောက်လာ သော ဘုရားသခင် ကျန်ဆို့တော် မူသည့် ကတိ တော်သည် ထာဝရပြည့်စုံတော်မူသော သားတော်ကို ယဇ်ပုရောဟိတ် မင်းအဖြစ် ခန့်ထားလေ၏။

8

ငါရှိ၏ ယဇ်ပုရောဟိတ်မင်း ဖြစ်သော ယေသျှု

¹ ငါ ရှို့ ပြောဆို နိန် ကြသည့် အဓိက အချက် မှာ ကောင်းကင်ဘုံ၌ အနန္တ တန်ခိုး သျှင် ဘုရားသခင်၏ ပလ္လင်တော် လက်ယာ ဖက်တွင် ထိုင်နိန်တော်မူသော ယဇ်ပုရောဟိတ်မင်း တစ်ပါးသည် ငါရှိ၌ ဟိန်နိန်သည် ဟူသော အကြောင်းပင် ဖြစ်၏။

2 ထိုယဇ်ပုရောဟိတ်သည်ကား လူလက်ဖြင့် မလုပ်၊ သခင်ဘုရား တည်ဆောက်တော်မူသော စစ်မှန်သော တံတော်ဖြစ်သည့် သန့်ယှင်းရာ ဌာနတော်၌ အမှုတော်ကို ဆောင်ရွက်လျက် ဟိတော်မူ၏။

3 ယဇ်ပုရောဟိတ်မည်သည်ကား ပူဇော်သကာများနှင့် ယဇ်ကောင်များကို ဘုရားသခင်အား ပူဇော်ဆက်ကပ်ရန် ခန့်ထားခြင်းဖြစ်၏။ ထို့ကြောင့် ငါရို့၏ယဇ်ပုရောဟိတ် မင်း၌လည်း ထိုသို့ပူဇော်ခြင်းငှာ တစ်စုံတစ်ခု ဟိရမည် ဖြစ်၏။

4 ကိုယ်တော်သည် မြီကြီးထက်တွင် ဟိတော်မူမည် ဆိုလျှင် ယုဒလူမျိုးရို့နှင့်ဆိုင်သော ပညတ်တရားအရ ပူဇော်သကာများကို ပူဇော်ကြသော ယဇ်ပုရောဟိတ် တံ ဟိနိန်ကြပြီး ဖြစ်သောကြောင့် ကိုယ်တော်သည် ယဇ်ပုရောဟိတ်တစ်ပါး ဖြစ်လိမ့်မည် မဟုတ်ပေ။

5 မောသျှေသည် ဝတ်ပြုရန် တံတော်ကို တည်ဆောက် မည်ပြုသောအခါ ဘုရားသခင်က “တောင်ပေါ်တွင် သင့် ကို ငါ ပြခသည့် ပုံစံအတိုင်း အရာရာကို သေချာစွာ လုပ်ဆောင်လော့” ဟု သူ့အား မိန့်မှာခသည့်အတိုင်း ယဇ်ပုရောဟိတ်ရို့ လုပ်ဆောင်နိုင်ကြသော အလုပ်သည် ကောင်းကင်ဘုံ၌ဟိသော အမှုအရာ၏ပုံရိပ်တစ်ခုမျှသာ ဖြစ်ပြီး မောသျှေ၏လုပ်ဆောင်မှုနှင့် အတူတူပင် ဖြစ်၏။

6 သို့ရာတွင် ယေသျှုသည် ဘုရားသခင်နှင့် မိမိ၏လူရို့ ကြားမှာ ပျင်ဆင်ထားတော်မူသော ပဋိညာဉ်တရားသည်

ကတိတော်၌ တည်သောကြောင့် သာ၍ ကောင်းမြတ်
သည်ဖြစ်၍ အဂုအခါ ကိုယ်တော်အား ယဇ်ပုရောဟိတ်
တိထက် သာ၍ မြင့်မြတ်သော ယဇ်ပုရောဟိတ်တာဝန်ကို
ပီးအပ်ထားတော်မူ၏။

⁷ အကြောင်းမူကား ပထမ ပဋိညာဉ်တရား၌ အပြစ်မ
ဟိခလျှင် ဒုတိယ ပဋိညာဉ်တရား ဖြစ်တည်ရန် မလိုအပ်
ပေ။

⁸ သို့ရာတွင် ဘုရားသခင်သည် မိမိလူတို့၌ အပြစ်တို့
တော်မူသည်ဖြစ်၍

“ထာဝရဘုရား မိန့်တော်မူသည်မှာ၊

ငါ သည် ဣ သရေ လ လူမျိုး တို့ နှင့်
သော်လည်းကောင်း၊ ယုဒ လူမျိုး တို့ နှင့်
သော်လည်းကောင်း ပဋိညာဉ်တရားသစ်ကို ပြု
တော်မူမည့် နိရိုက် ရောက်လာလိမ့်မည်။

⁹ ထိုပဋိညာဉ်တရားသည်ကား ငါသည် အဲဂုတုတု
ပြည်မှ သူရို့ကို ခေါ်ဆောင်လာစဉ်က
သူရို့၏အဖိုး အဖိုးရို့နှင့် ပြုခသော ပဋိညာဉ်တရားနှင့် တူ
လိမ့်မည် မဟုတ်ပေ။

သူရို့သည် ထိုပဋိညာဉ်တရားကို ချိုးဖောက်ကြသည်
ဖြစ်၍
ငါသည် သူရို့ကို ဂရုမစိုက်ဘဲ နိန်ခ၏။

¹⁰ နောင်ကာလတွင် ဣသရေလလူမျိုးတို့နှင့် ငါပြုမည့်
ပဋိညာဉ်တရားဟူမူကား၊

ငါသည် ငါ၏ပညတ်တရားကို သူရို့၏စိတ်ဝိညာဉ်ထဲသို့
သွင်းပြီးလျှင်၊

ထိုပညတ်တရားများကို သူရို့၏ စိတ်နှလုံးတွင် ရီး
ထားမည်။

ငါသည် သူရို့၏ဘုရားသခင် ဖြစ်ပြီး
သူရို့သည်လည်း ငါ၏လူတို့ ဖြစ်ကြလိမ့်မည်ဟူ၍
မိန့်တော်မူ၏။

11 သူ ရို့ သည် မိမိ ရို့၏အမျိုးသားချင်း ကို
သော်လည်းကောင်း၊

ညီအစ်ကို ချင်း ကို သော်လည်းကောင်း
‘ထာဝရဘုရားကို သိကြလော့’ ဟု
သင်ကြားပီးရ လိမ့်မည် မဟုတ်၊

အကြောင်းမူကား သူရို့အားလုံးသည်
အငယ်ဆုံးမှ အကြီးဆုံးတိုင်အောင် ငါ့ကို သိကြ
လိမ့်မည်။

12 ငါသည် သူရို့၏ အပြစ်တို့ကို ခွင့်ရှုတ်လိမ့်မည်။

သူရို့၏ ပြစ်မှားခြင်းတို့ကိုလည်း မအောင်မိဘဲ နိန့်
လိမ့်မည်” ဟု မိန့်တော်မူ၏။

13 ပဋိညာဉ်တရားသစ်ဟူ၍ မိန့်တော်မူရာ၌ ဘုရားသခင်
သည် ပထမ ပဋိညာဉ်တရားကို ဟောင်းနွမ်းစိတော်မူ
သည်ဖြစ်၍ ထိုဟောင်းနွမ်းလားသောအရာဟူသမျှသည်
မကြာခင် ကွယ်ပျောက်လားလိမ့်မည်။

9

မြီကြီးနှင့်ဆိုင်သော ကိုးကွယ်ခြင်းနှင့် ကောင်းကင်နှင့် ဆိုင်သော ကိုးကွယ်ခြင်း

¹ ပထမပညတ်တော်၌ ဝတ်ပြုခြင်းဆိုင်ရာ စည်းမျဉ်း များနှင့် မြီကြီးနှင့်ဆိုင်သော ဝတ်ပြုရာ နီရာတစ်ခုလည်း ဟိလေ၏။

² တဲတော်၌ သန့်ယှင်းသောနီရာ ဟုခေါ်သော ပထမ အခန်း၌ ဆီမီးခွက်တင်ခုံ၊ စားပွဲနှင့် ဘုရားသခင်ကို ပူဇော် ထားသောမုန့် ဟူ၍ ဟိကြ၏။

³ ဒုတိယ ကန်လန်ကာ၏နောက်တွင် အသန့်ယှင်းဆုံး သောနီရာဟု ခေါ်သောအခန်း ဟိ၏။

⁴ ထိုအခန်းထဲတွင် အမွီးနံသာများကို ထွန်းညှိပူဇော် ထား သည့် ၏ ပလ္လင် တော်၊ ၏ ဖြင့် ပြုလုပ် ထား သော ပဋိညာဉ်သေတ္တာတော်၊ မနုန့်မုန့်ကို ထည့်ထားသော ၏အိုး၊ အဖူးအညွန့်များ ထွက်လျက်ဟိသော အာရုန်၏တောင်မွှ် နှင့် ပညတ်တရားတော်များကို ရီးထားသော ကျောက်ပြား နှစ်ချပ် စသည့်အရာများသည် ဟိကြ၏။

⁵ သေတ္တာ၏အထက် တွင် ခေရုဗိမ် ရို့ သည် ဘုရားသခင်၏ဘုန်းတော်ကို ဖော်ညွှန်းလျက်ဟိကြ၏။ ထိုခေရုဗိမ်ရို့သည် အပြစ်ဖြေရာနီရာ အထက်က သူ ရို့၏အတောင်များကို ဖြန့်မှီးထားကြ၏။ သို့ရာတွင် ဤ အရာများကို အဂ္ဂ အသေးစိပ်ပြောပြ၍ မရနိုင်ပေ။

6 ဤသို့သော အရာများကို ပျင်ဆင်ထားပြီးနောက် ယဇ်ပုရောဟိတ် တိသည် မိမိ ရှိ၏တာဝန်များကို ဆောင်ရွက်ရန် နိတိုင်း တဲတော်၏ပထမခန်းထဲသို့ ဝင်ကြရ၏။

7 သို့ရာတွင် ယဇ်ပုရောဟိတ်မင်း တစ်ပါးတည်းသာ တဲတော်၏ ဒုတိယခန်းထဲသို့ ဝင်ရ၏။ ထိုသို့ ဝင်ရသည်မှာ လည်း တစ်နှစ်လျှင် တစ်ကြိမ်သာ ဝင်ရ၏။ သူသည် မိမိအတွက်လည်းကောင်း၊ မသိ၍ ပြစ်မှားမိသော လူတို့အပြစ်အတွက်လည်းကောင်း ကိုယ်စားပြု၍ ဘုရားသခင်အား ပူဇော်ရန် အသွီးကို မိမိနှင့်တပါတည်း ယူဆောင်လာရ၏။

8 တဲတော်၏ပထမအခန်း တည်ဟိနိန်သမျှ ကာလပတ်လုံး အသန့်ယှင်းဆုံးနီရာသို့ ဝင်ရောက်ရန် လမ်းဖွင့်ထားခြင်း မဟိသိမ့်ကြောင်းကို ဤပျင်ဆင်ထားသော အရာများအားဖြင့် သန့်ယှင်းသောဝိညာဉ်တော်က ယှင်းလင်းစွာ ဖော်ပြလျက်ဟိ၏။

9 ဤအရာများသည် အဂုမျက်မှောက်ကာလအတွက် ညွှန်ပြထားသော ပုံဆောင်ထားခြင်းသာ ဖြစ်ကြ၏။ ဘုရားသခင်အား ဆက်ကပ်ထားသော ပူဇော်သကာများနှင့် ယဇ်ကောင်များသည် ဝတ်ပြုသူများ၏စိတ်ကို ပြည့်စုံစီခြင်းငှာ ဆောင်ရွက်မပီးနိုင်ဟု အဓိပ္ပာယ်ရ၏။

10 အကြောင်းမူကား ထိုအရာများသည် စားသောက်ဖွယ်ရာများနှင့် အမျိုးမျိုးသော သန့်ယှင်း စင်ကြယ်

ခြင်းဝတ်နှင့်သာ ဆိုင်ကြ၏။ ဤအရာများသည် ပြင်ပလက္ခဏာများဆိုင်ရာ စည်းမျဉ်းများသာ ဖြစ်ကြ၏။ ဘုရားသခင်သည် အသစ်သော ပညတ်တော်ကို ချပီးသောအချိန်ကာလ ရောက်လာသည့်တိုင်အောင်အထိသာလျှင် ထိုအရာများသည် အထောက်အပံ့ပြုကြ၏။

11 သို့ရာတွင် ခရစ်တော်သည် ကောင်းသော အရာအားလုံး၏ ယဇ်ပူရောဟိတ်မင်းအဖြစ်ဖြင့် ကြွလာတော်မူ၏။* ကိုယ်တော် အမှုတော်ဆောင်သည့် တဲတော်သည်သာ၍ ကြီးမြတ်ပြည့်စုံတော်မူ၏။ အကြောင်းမူကား ထိုတဲတော်သည် လူ့လက်ဖြင့် တည်ဆောက်ထားသော အရာ မဟုတ်သည့် အပြင် ဖန်ဆင်းခံဖြစ်သော ဤလောက၏အရာများနှင့်လည်း မသက်ဆိုင်ပေ။

12 ခရစ်တော်သည် လူသား အာလုံး အတွက် ပူဇော်သကာဆက်ကပ်ခြင်းငှာ တဲတော်၏အသန့်ယှင်းဆုံးသော နိရာသို့ ဝင်သောအခါ ဆိတ်၏အသွီး၊ နွား၏အသွီးများကို ယူဆောင်၍ ဝင်တော်မူခြင်း မဟုတ်၊ မိမိ၏အသွီးတော်ကို ယူဆောင်၍ ဝင်တော်မူခြင်းအားဖြင့် ငါရို့အား ထာဝရ ကယ်တင်ခြင်းကို ပီးတော်မူ၏။

13 ဆိတ်၏အသွီး၊ နွား၏အသွီးနှင့် နွားမတမ်း၏ပြာများကို မစင်ကြယ်သောသူတို့ကို ဖြန်းခြင်းအားဖြင့် သူရို့သည် မိမိရို့၏ဘာသာတရားဆိုင်ရာ စင်ကြယ်ခြင်းသို့ ရောက်ကြသည်

* 9:11

ကြွလာတော်မူ၏၊ အချို့ ကြွရောက်တော်မူလာပြီ၊ ယူ၍ ပါဟိ၏။

အချို့

လက်ရီးမှုကျမ်းများ၌

14 မှန်လျှင် ခရစ်တော်၏အသွီးတော်သည် မည်မျှ
လောက်ထိ စင်ကြယ်ခြင်းသို့ ရောက်ကြပါမည်နည်း။
ခရစ်တော်သည် ထာဝရဝိညာဉ်တော်အားဖြင့် ပြည့်စုံ
သော ပူဇော်သကာအဖြစ် မိမိကိုယ်ကို ဘုရားသခင်အား
ပူဇော်ပီးခ၏။ ကိုယ်တော်၏အသွီးတော်သည် သီခြင်း
တရားနှင့်ဆိုင်သော အကျင့်များမှ ငါရို့၏စိတ်ဝိညာဉ်
ကို သန့်ယှင်းစီလိမ့်မည်။ အကြောင်းမူကား ငါရို့သည်
အသက်ရှင်တော်မူသော ဘုရားသခင်၏အမှုတော်မြတ်ကို
ဆောင်ရွက်နိုင်ကြစီရန် ဖြစ်၏။

15 ထို့ကြောင့် ခရစ်တော်သည် အသစ်သောပဋိညာဉ်
ကို ပျင်ဆင်တော်မူသော ကြားဝင်စို့စပ်ပီးသူ ဖြစ်၏။
အကြောင်းမူကား ဘုရားသခင်သည် မိမိခေါ်ထားတော်မူ
သော သူရို့အား ကတိပီးထားတော်မူသည့် ထာဝရကောင်း
ကြီးမင်္ဂလာများကို ရကြစီခြင်းငှာ ဖြစ်၏။ ပထမပဋိညာဉ်
တရား အောက်၌ ပြစ်မှားမိသော လူတို့ကို အပြစ်မှ
လွတ်မြောက်ရန် ကိုယ်တော်သည် အသိခံ ပီးတော်မူခ၏။

16 သီတမ်းစာတစ်စောင် တရားဝင်ဖြစ်လာစီခြင်းငှာ ထို
သီတမ်းစာကို ရီးသားထားသောသူသည် သီဆုံးလားပြီ
ဖြစ်ကြောင်းကို သက်သီပြဖို့ရန် လိုအပ်၏။

17 ထိုသီတမ်းစာကို ရီးသားထားသောသူသည် အသက်
မသိသိမ့်လျှင် ထိုသီတမ်းစာသည် တရားမဝင်သိမ့်၊ ထိုသူ
သီပြီးမှသာ တရားဝင်လာ၏။

18 ထို့ကြောင့် ပထမပဋိညာဉ်တရား[†]ပင်လျှင် အသွီးအားဖြင့်သာ တည်၏။

19 အစဦးကပင် မောသျှေသည် ပညတ်တော်၌ ပါသော တရားအားလုံးကို လူတိအား ကြော်ငြာပြီးသောအခါ ရီနှင့်ရောထားသော နွား၏အသွီး၊ ဆိတ်၏အသွီးများကို ယူ၍ အနီရောင်သိုးမွှီးနှင့် ဟုသုပင်ပင်ညွန့်ကို အသုံးပြုကာ ကျမ်းစာလိပ်ကို လည်းကောင်း၊ လူတိအားလုံးကို လည်းကောင်း ဖြန်းလေ၏။

20 ထို့နောက် မောသျှေက “ဤအသွီးသည်ကား သင်ရို့ နာခံကြစီခြင်းငှာ ဘုရားသခင် ပညတ်တော်မူသော ပဋိညာဉ်တရား၏ သက်သိဖြစ်၏” ဟု မိန့်တော်မူ၏။

21 ထိုနည်းအတိုင်း မောသျှေသည် တံတော်နှင့်တကွ ဝတ်ပြုရာ၌ အသုံးပြုသော အရာအားလုံးကို အသွီးနှင့် ဖြန်းလေ၏။

22 အကယ်စင်စစ် ပညတ်တရားအရ အရာအားလုံး နီးပါးသည် အသွီးအားဖြင့်သာလျှင် သန့်ယှင်းစင်ကြယ်ခြင်း သို့ ရောက် ကြ ရ၏။ အကြောင်းမူကား အသွီးသွန်းလောင်းခြင်း မဟိလျှင် အပြစ်လွှတ်ခြင်း မဟိ။

ခရစ်တော်၏ ယဇ်ပူဇော် ခြင်း အားဖြင့် အပြစ် မှလွတ်မြောက်ခြင်း

[†] 9:18 ပဋိညာဉ်တရား၊ ဟေလသအားဖြင့် အဓိပ္ပာယ်တူ စကားလုံးမှာ “စိတ်” ဟူ၍ လည်းကောင်း၊ “ကတိပြုသည်” ဟူ၍ လည်းကောင်း ဖြစ်၏။

23 ထိုနည်းအားဖြင့် ကောင်းကင်ဘုံနှင့် သက်ဆိုင်သော ပြယုဂ်များကိုသာ သန့်ယှင်းစင်ကြယ်ရန် ဖြစ်၏။ သို့ရာတွင် ကောင်းကင်ဘုံနှင့်ဆိုင်သော အရာများကို သန့်ယှင်းစင်ကြယ်ရန် သာ၍ မြင့်မြတ်သောယဇ်ကို ပူဇော်ရန်လိုအပ်၏။

24 အကြောင်းမူကား ခရစ်တော်သည် စစ်မှန်သော အရာ၏ပြယုဂ်ဖြစ်သည့် လူ့လက်ဖြင့် လုပ်ထားသော သန့်ယှင်းသောနီရာသို့ ဝင်တော်မမူခဲ့ပေ။ သို့သော် အဂုတွင် ဘုရားသခင်၏မျက်မှောက်တော်၌ ငါရို့အတွက် ထင်ရှားစီရန် ကောင်းကင်ဘုံသို့ ဝင်ရောက်တော်မူ၏။

25 ယဇ်ပူရောဟိတ်မင်းသည် မိမိ၏အသွီး မဟုတ်သော အသွီးဖြင့် နှစ်စဉ်နှစ်တိုင်း အသန့်ယှင်းဆုံးသောနီရာသို့ ဝင်ရောက်သကဲ့သို့ ကိုယ်တော်သည် မိမိကိုယ်ကို အကြိမ်ကြိမ် ပူဇော်ရန် ကောင်းကင်ဘုံသို့ ဝင်ရောက်တော်မမူ။

26 ထိုသို့ပူဇော်ရလျှင် ကမ္ဘာတည်သည့်အချိန်မှစ၍ ခရစ်တော်သည် ဒုက္ခဝေဒနာကို အကြိမ်ကြိမ် ခံစားရပေလိမ့်မည်။ အဂုမူကား မိမိကိုယ်ကို ပူဇော်ခြင်းအားဖြင့် အပြစ်တရားကို ဖယ်ယှားရန် ကပ်ကာလ၏အဆုံး၌ ကိုယ်တော်သည် တစ်ကြိမ်တည်းသာ ပေါ်ထွန်းတော်မူ၏။

27 လူသည် တစ်ခါတည်းသာ သီဆုံး၍၊ တရားစီရင်ခြင်းကို ခံရသကဲ့သို့

28 ခရစ်တော်သည်လည်း များစွာသောသူရို့၏အပြစ်

များကို ဖယ်ယှားရန် မိမိကိုယ်ကို တစ်ကြိမ်တည်း ပူဇော်ပြီးမှ ဒုတိယအကြိမ်၌ကား အပြစ်အတွက် မဟုတ်ဘဲ မိမိအား စောင့်မျှော်နိုင်ကြသောသူရို့ကို ကယ်တင်ရန် ပေါ်ထွန်းလာတော်မူလိမ့်မည်။

10

¹ ပညတ်တရားသည် နောင်ဖြစ်လာမည့် ကောင်းသော အရာများ၏ ပုံရိပ်မျှသာဖြစ်ပြီး စစ်မှန်သောအရာများ မဟုတ်ကြပေ။ ထို့ကြောင့် ဝတ်ပြုသူတို့ကို ပြည့်စုံစီခြင်းငှာ ဆောင်ရွက်မပီနိုင်သောကြောင့် တူညီသောယဇ်များကို နှစ်စဉ် ပူဇော်ကြရ၏။

² အကယ်၍ ပြည့်စုံနိုင်ခဲလျှင် ဝတ်ပြုသူရို့သည် တစ်ခါတည်းဖြင့် စင်ကြယ်ခြင်းသို့ ရောက်ကြသည်ဖြစ်၍ အပြစ်ဟိသည်ဟု မခံစားရသောကြောင့် သူရို့သည် ယဇ်ပူဇော်ခြင်းကို မပြုလုပ်ဘဲနိုင်ကြလိမ့်မည် မဟုတ်ပါလော။

³ သို့ရာတွင် ထိုသို့ ယဇ်ပူဇော်ခြင်းများသည် သူရို့၏အပြစ်များကို နှစ်စဉ် ဖော်ပြနိုင်ခြင်းဖြစ်၏။

⁴ အကြောင်းမူကား နွားနှင့် ဆိတ်များ၏အသွီးသည် အပြစ်များကို လုံးဝ ဖယ်ယှားမပီနိုင်သောကြောင့်ဖြစ်၏။

⁵ ထို့ကြောင့် ခရစ်တော်သည် လောကထဲသို့ ကြွလာသောအခါ ဘုရားသခင် အား လျှောက်ထား တော် မူသည်မှာ၊

“ယဇ်ကောင်နှင့် ပူဇော်သကာများကို ကိုယ်တော်သည်
အလိုမဟံသည်ဖြစ်၍
အကျွန်အတွက် ကိုယ်ခန္ဓာကို ပျင်ဆင်ထားတော်
မူ၏။

6 ကိုယ်တော်သည် ယဇ်ပလ္လင်ထက်၌ မီးတိုက်ထားသော
ယဇ်ကောင်များကိုလည်းကောင်း၊
အပြစ်ဖြေရာ ပူဇော်သကာ များ ကို လည်းကောင်း
နှစ်သက်တော်မမူ။

7 သို့ဖြစ်၍ ပညတုတိကျမ်း၌ အကျွန်ကို ရည်ညွှန်း၍
ရီးသားထားသည့်အတိုင်း၊

‘အို ဘုရားသခင်၊ အသျှင်ဘုရား၏အလိုတော်ကို
ဆောင်ရွက်ရန်

အကျွန်သည် ဤနီရာ၌ ဟိပါ၏။’” ဟု လျှောက်
လေ၏။

8 ကိုယ်တော်သည် ပထမဦးစွာ လျှောက်တော်မူသည်မှာ
“အသျှင်ဘုရားသည် ယဇ်ပလ္လင်ထက်၌ ယဇ်ကောင်များ
နှင့် ပူဇော်သကာများကို သော်လည်းကောင်း၊ မီးယှို့ထား
သော ယဇ်ကောင်များနှင့် အပြစ်ဖြေရာပူဇော်သကာများ
ကို သော်လည်းကောင်း ပညတ်တရား အရ ပူဇော်ကြ
သော်လည်း ကိုယ်တော်သည် နှစ်သက်တော်မမူ” ဟူ၍
ဖြစ်၏။

9 တဖန် ကိုယ်တော်က လျှောက်တော်မူသည်မှာ “အကျွန်
သည် ဤနီရာ၌ ဟိပါ၏။ အသျှင်ဘုရား၏ အလိုတော်

ကို ဆောင်ရွက်ရန် ရောက်လာခြင်းဖြစ်ပါ၏” ဟု ဖြစ်၏။
ထို့ကြောင့် ဘုရားသခင်သည် ဒုတိယပူဇော်ခြင်းကို တည်
စီခြင်းငှာ ပထမပူဇော်ခြင်းကို ပယ်တော်မူ၏။

10 ထိုသို့ အလိုတော်နှင့်အညီ ငါရို့အားလုံးအတွက် ယေ
သျှုခရစ်တော်၏ ကိုယ်ခန္ဓာကို တစ်ကြိမ်တည်း ပူဇော်
ခြင်းအားဖြင့် ငါရို့ကို သန့်ယှင်းစီခြင်းငှာ ဆောင်ရွက်ပီး
တော်မူ၏။

11 ယဇ်ပုရောဟိတ် သည် နို့စ ဥ နို့တိုင်း မတ် တပ်
ရပ် ကာ မိမိ၏ဘာသာ ရေး ဆိုင်ရာ ဝတ္ထုများ များ ကို
ဆောင်ရွက် ရ၏။ သူသည် တူညီသော ပူဇော်သကာ
ယဇ်ကို အကြိမ်ကြိမ် ပူဇော်ရ၏။ သို့သော်လည်း ထိုသို့
လုပ်ဆောင်ခြင်းသည် အပြစ်များကို လုံးဝ မဖယ်ယှား
နိုင်။

12 သို့ရာတွင် ခရစ်တော်သည်ကား ထာဝရအတွက်
တစ်ခုတည်းသော အပြစ်ဖြေရာယဇ်ကို တစ်ကြိမ်တည်း
ပူဇော်ပြီးလျှင် ဘုရားသခင်၏လက်ယာဖက်၌ ထိုင်နိန့်
တော်မူ၏။

13 အ ဂု အခါ ကိုယ်တော် သည် မိမိ၏ရန်သူ တို့ ကို
မိမိ၏ခြံတင်ခုံ ဖြစ်စီသည့်တိုင်အောင် စောင့်ဆိုင်းလျက်
ဟိတော်မူ၏။

14 အကြောင်းမူကား ကိုယ်တော်သည် မိမိကိုယ်ကို တစ်
ကြိမ်တည်း ပူဇော်ခြင်းအားဖြင့် အပြစ်များမှ စင်ကြယ်
ခြင်းခံရပြီးသော သူရို့အား ထာဝရစုံလင်စီခြင်းငှာ ဆောင်

ရွက်ပီးတော်မူခဏ်။

¹⁵ သန့်ယှင်းသော ဝိညာဉ်တော်သည်လည်း ဤ အကြောင်းနှင့် ပတ်သက်၍ ငါရို့ကို သက်သိခံတော်မူ၏။ ထိုသန့်ယှင်းသော ဝိညာဉ်တော်က ပထမဦးစွာ မိန့်တော်မူ သည်မှာ

¹⁶ “ထာဝရဘုရားက နောင်ကာလ၌၊

သူရို့နှင့် ငါပြုမည့်ပဋိညာဉ်မှာ၊

ငါသည် ငါ၏ပညတ်တရားများကို သူရို့၏နှလုံးထဲ၌ ထည့်သွင်း၍

သူရို့၏စိတ်ဝိညာဉ်မှာ ရီးမှတ်ထားမည်ဟု မိန့်တော် မူ၏” ဟူ၍ ဖြစ်၏။

¹⁷ တဖန် “ငါသည် သူရို့၏အပြစ်များနှင့် တရားမဲ့ပြုမှု ခြင်းများကို လုံးဝ မှတ်ယူလိမ့်မည် မဟုတ်” ဟု မိန့်တော် မူခဏ်။

¹⁸ ထို့ကြောင့် အပြစ် များ ကို ခွင့် ရွတ် ပြီး ပြီ ဖြစ် သောကြောင့် အပြစ်ဖြေရာယဇ်ကို ပူဇော်ရန် မလိုသာ။

ဘုရားသခင်ထံပါးသို့ ချဉ်းကပ်ကြလော့

¹⁹ ထို့ကြောင့် ညီအစ်ကို မောင်နှမရို့၊ ငါရို့သည် ယေ သျှု၏အသွိုးတော်အားဖြင့် အသန့်ယှင်းဆုံးသောနီရာသို့ ယုံကြည်စိတ်ချစွာ ဝင်ရောက်ခွင့်ရကြ၏။

²⁰ ထို့ကြောင့် ကိုယ်တော်သည် မိမိခန္ဓာကိုယ်တည်း ဟူသော ကန့်လန့်ကာမှ တစ်ဆင့် ငါရို့အတွက် အသက် ရှင်သော လမ်းသစ်ကို ဖွင့်ပီးခံတော်မူ၏။

21 ထိုမျှမက ငါရဲ့ ဘုရားသခင်၏အိမ်တော်ကို အုပ်စိုးသည့် ကြီးမြတ်သော ယဇ်ပုရောဟိတ်တစ်ပါး ဟိတော်မူ၏။

22 ငါရဲ့သည် သန့်စင်သောရီဖြင့် ဆီးကြောထားသော ကိုယ်ခန္ဓာဖြင့် လည်းကောင်း၊ ဖြောင့်မှန်သော နှလုံးသား၊ စစ်မှန်သောယုံကြည်ခြင်း၊ ဆိုးညစ်သောစိတ်နှလုံးကို သန့်ယှင်းစင်ကြယ်၍ လည်းကောင်း၊ ဘုရားသခင် ထံတော်ပါးသို့ တိုးဝင်ချဉ်းကပ်ကြကုန်အံ့။

23 ကတိပီးထားတော်မူသော အသျှင်သည် သစ္စာနှင့် ပြည့်စုံတော်မူသည်ဖြစ်၍ ငါရဲ့ ဝန်ခံထားသော မျှော်လင့်ခြင်းကို ခိုင်မြဲစွာ ဆုပ်ကိုင်ထားကြကုန်အံ့။

24 ထို့ အပြင် မေတ္တာ ထားခြင်း ငှာ လည်းကောင်း၊ ကောင်းသော အမှု ကို ပြုခြင်း ငှာ လည်းကောင်း၊ တစ်ယောက်ကို တစ်ယောက် မည်သို့ တိုက်တွန်းကြရမည်ကို လည်းကောင်း၊ စဉ်းစားဆင်ခြင်ကြကုန်အံ့။

25 တချို့သောသူရို့ ပြုမူကြသည့်အတိုင်း အတူတကွ စုဝေးသည့် အလေ့အထကို လက်မလျှော့ဘဲ၊ အချင်းချင်း တစ်ယောက်ကို တစ်ယောက် တိုက်တွန်းနှိုးဆော်ကြကုန်အံ့။ အကြောင်းမှာ သင်ရဲ့သည် သခင်ဘုရား ကြွလာမည့် နိရိုက်သည် သာ၍ နီးလာသည်ကို သိမြင်လျက်ဟိကြ၏။

26 အကြောင်းမူကား ငါရဲ့အား သမ္မာတရားကို သိခြင်းငှာ ဆောင်ရွက်ပီးထားပြီးမှ အပြစ်ကို တမင်တကာ ဆက်လက်၍ လုပ်နိုင်ကြလျှင် အပြစ်ဖြေမည့်ယဇ်ဟူ၍ မ

ဟိယာ။

၂၇ သို့ရာတွင် တရားစီရင် ခြင်း ကို လည်းကောင်း၊ ဘုရားသခင်ကို ဆန့်ကျင်သော သူရို့ကို လောင်ကျွမ်း မည့် အမျက်တော်မီးကိုလည်းကောင်း ကြောက်ရွံ့လျက် စောင့်နိန်ကြရုံမျှသာဟိ၏။

၂၈ မော သျှ၏ပညတ် တရား ကို ငြင်းပယ် သော သူ မည်သည်ကား သက်သိနှစ်ဦး သို့မဟုတ် သုံးဦးဟိလျှင် သက်ညှာခြင်းကို မခံရဘဲ သီဒဏ်ပီးခြင်းကို ခံရ၏။

၂၉ သို့ဖြစ်လျှင် ဘုရားသခင်၏သားတော် ကို ခြံဖြင့် နင်း လျက် အပြစ် ကို သန့် ယှင်း စင်ကြယ် စီ သော ဘုရားသခင်၏ပဋိညာဉ် နှင့် ဆိုင် သော အ သွီး တော် ကို မထိမဲ့မြင် ပြုမူကာ ကျေးဇူးတော်နှင့်ဆိုင်သော ဝိညာဉ် တော်ကို ကဲ့ရဲ့သောသူရို့သည် ဇာလောက်ကြီးမားသော ပြစ်ဒဏ်နှင့် ထိုက်တန်သည်ကို သင်ရို့ စဉ်းစားကြလော့။

၃၀ အကြောင်းမူကား “ပြစ် ဒဏ် ပီး ခြင်း သည် ငါ နှင့် ဆိုင်၏။ ငါ ကိုယ်တိုင် ပြစ် ဒဏ် ပီး မည်” ဟူ၍လည်းကောင်း၊ တဖန် “ထာဝရဘုရား သည် မိမိ၏လူမျိုး ကို တရားစီရင် မည်” ဟူ၍လည်းကောင်း မိန့်တော်မူသောအသျှင်ကို ငါရို့ သိကြ၏။

၃၁ အသက်ရှင်တော် မူသော ဘုရားသခင်၏ လက် တော်၌ ကျ ရောက် ရ ခြင်း သည် ကြောက်မက် ဖွယ် ကောင်း၏။

၃၂ သင်ရို့သည် အယင်က နို့ရက်များကို သတိရကြ လော့။ ထိုနို့ရက်များ၌ ဘုရားသခင်၏အလင်းသည် သင်

ရို့၌ ထွန်းလင်းပြီး သင်ရို့ကြုံတို့ခရသော ဒုက္ခများစွာကို ရုန်းကန်၍ အနိုင်ရခကြ၏။

³³ သင်ရို့သည် တစ်ခါတရံ လူတိရို့၌ ကဲ့ရဲ့ပြစ်တင်ခြင်း၊ နှိပ်စက်ခြင်းကို ခံရကြ၍ တခြားသောအချိန်၌ ထိုသို့ ပြုခြင်းကိုခံရသော သူရို့၏အပေါင်းအသင်းများ ဖြစ်ကြ၏။

³⁴ သင်ရို့သည် အကျဉ်းကျ ခံနိုင်ရသော သူရို့ကို စာနာစိတ်ဟိကြ၏။ မိမိရို့၏ဥစ္စာပစ္စည်းများကို မတရားလုယူခြင်း ခံရသောအခါ ဝမ်းမြောက်စွာ သည်းခံကြ၏။ အကြောင်းမူကား သင်ရို့သည် သာ၍ကောင်းမြတ်ပြီး တည်မြဲသောဥစ္စာကို ပိုင်ဆိုင်ထားကြသည်ကို သင်ရို့ကိုယ်တိုင်သိကြသောကြောင့်ဖြစ်၏။

³⁵ ထို့ကြောင့် သင်ရို့၏ရဲရင့်ခြင်းကို မဆုံးယှုံးစီကတ်ကော။ ထိုရဲရင့်ခြင်းသည်ကား ကြီးမြတ်သော အကျိုးကျေးဇူးကို ပီးတတ်၏။

³⁶ သင်ရို့သည် ဘုရားသခင်၏ အလိုတော်ကို ဆောင်ရွက်ပြီး သောအခါ ကိုယ်တော်၏ကတိတော်အတိုင်း အကျိုးကို ခံစားရခြင်းငှာ မဆုတ်မနစ် ကြိုးစားအားထုတ်ရန် လိုအပ်၏။

³⁷ အကြောင်းမူကား၊

“ကြွလာတော်မူမည့် အသျှင်သည်
 ကြန့်ကြာခြင်းမဟိဘဲ
 ကြွလာတော်မူလိမ့်မည်။

38 ငါ၏ဖြောင့်မတ်သောသူသည်

ယုံကြည်ခြင်းအားဖြင့် အသက်ရှင်လိမ့်မည်။

သို့ရာတွင် ထိုသူသည် နောက်သို့ ပြန်လှည့်လျှင် ငါ
သည် သူ့ကို နှစ်သက်လိမ့်မည် မဟုတ်” ဟူ၍
ဖော်ပြထား၏။

39 သို့သော် ငါရို့သည် နောက်သို့ ပြန်လှည့်သူတို့၊ ဖျက်ဆီး
ခြင်းကို ခံသော သူတို့မဟုတ်ဘဲ၊ ယုံကြည်ခြင်းအားဖြင့်
ကယ်တင်ခြင်း ခံထားရသောသူတို့ ဖြစ်ကြ၏။

11

ယုံကြည်ခြင်း

¹ ယုံကြည်ခြင်း ဆိုသည်မှာ မျှော်လင့်ထားသောအရာ
များသည် အမှန် ဖြစ်လာလိမ့်မည်ဟု ယုံကြည်စိတ်ချမှုဟု
ခြင်း၊ မမြင်နိုင်သောအရာများသည် အမှန်ဟုသည်ဟူ၍
ခံယူထားခြင်း ဖြစ်၏။

² ရိုးလူရို့သည် ဘုရားသခင်၏ နှစ်သက်ခြင်းကို ခံရကြ
သည်မှာ သူရို့၏ယုံကြည်ခြင်းကြောင့် ဖြစ်၏။

³ မမြင်နိုင်သောအရာကို မြင်နိုင်စီခြင်းငှာ ဘုရားသခင်
သည် နှုတ်ကပတ်တော်အားဖြင့် စကြဝဠာကို ဖန်ဆင်း
ထားတော်မူကြောင်းကို ငါရို့သည် ယုံကြည်ခြင်းအားဖြင့်
သာ သိကြရ၏။

⁴ ယုံကြည် ခြင်း အားဖြင့် အာ ဗေ လ သည် ကာ
ကူ နှစ် ထက် သာ၍မြတ်သော ပူဇော်သကာ ယဇ် ကို

ဘုရားသခင် အား ပူဇော် ခ၏။ သူ သည် ယုံကြည်ခြင်းအားဖြင့် ဖြောင့်မတ်သောသူ တစ်ယောက်အဖြစ် ဘုရားသခင်၏အသိအမှတ်ပြု ခြင်း ကို ခံ ရ လေ၏။ အကြောင်း မှာ ဘုရားသခင် သည် သူ၏ပူဇော်သကာများကို လက်ခံတော်မူသောကြောင့် ဖြစ်၏။ သို့ဖြစ်၍ သူသည် သီလွန်သော်လည်း ယုံကြည်ခြင်းအားဖြင့် အဂတိုင်အောင် စကားပြောလျက် ဟိ၏။

⁵ ယုံကြည်ခြင်းအားဖြင့် ဧနောက်သည် သီခြင်းတရားကို မကြုံရစီ ခြင်းငှာ မျက်မှောက်ဘဝမှ ခေါ်ဆောင်လား ခြင်းကို ခံရ၏။ ဘုရားသခင်သည် သူ့အား ချီဆောင်လားတော်မူသောကြောင့် သူ့ကို မတို့ကြရဟာ။ အကြောင်းမူကား သူ့ကို မချီဆောင်ခင်က ဘုရားသခင် နှစ်သက်တော်မူသောသူအဖြစ် ချီးမွမ်းခြင်းကို ခံရခသောကြောင့်ဖြစ်၏။

⁶ ယုံကြည်ခြင်း မဟိလျှင် ဘုရားသခင် နှစ်သက်ခြင်းကို မရနိုင်။ အကြောင်းမူကား ဘုရားသခင်ထံပါးသို့ လာသောသူသည် ဘုရားသခင်ဟိတော်မူသည်ကို လည်းကောင်း၊ ဘုရားသခင်သည် မိမိကို စိတ်အားကြီးစွာ ရှာသောသူ တိအား အကျိုး ပီးတော်မူသည်ကို လည်းကောင်း ယုံကြည်ရသောကြောင့်ဖြစ်၏။

⁷ နောဧသည် နောင်ကာလ၌ ဖြစ်လာမည့် မမြင်နိုင်သည့်အရာများနှင့်ပတ်သက်၍ ဘုရားသခင်၏သတိပီးခြင်းကို ကြားရသည်မှာ ယုံကြည်ခြင်းကြောင့် ဖြစ်၏။

သူသည် ဘုရားသခင်၏စကားကို နာခံ၍ မိမိနှင့်တကွ မိမိ၏မိသားစုကို ကယ်တင်ရန် သင်္ဘောကို တည်ဆောက် ခ၏။ လောကကို အပြစ်စီရင်ပြီးနောက် နေ့သည် ယုံကြည်ခြင်းအားဖြင့် ဘုရားသခင်ထံမှ ဖြောင့်မတ်ခြင်း နှင့်ဆိုင်သောအမှုကို ရသောသူတစ်ယောက် ဖြစ်လာ၏။

⁸ အာဗြဟံသည် မိမိအား ပီးမည်ဟု ဘုရားသခင် ကတိ ပြုထားသောပြည်သို့ ထွက်ခွာရန် ဘုရားသခင်က သူ့ အား ခေါ်တော်မူသောအခါ သူသည်ယုံကြည်ခြင်းအားဖြင့် နာခံလျက် မိမိမည်သည့်အရပ်သို့ လားရမည်ကို မသိ သော်လည်း ဇာတိပြည်မှ ထွက်လားလေ၏။

⁹ သူသည် မိမိအား ဘုရားသခင် ကတိပီးထားသော ပြည်၌ အာဂန္တုတစ်ယောက်အဖြစ် ယုံကြည်ခြင်းဖြင့် နီ ထိုင်ခလေ၏။ ဘုရားသခင်ထံမှ ထိုသို့သော ကတိတော် ကို ရဟံခကြသော ဣဇက်၊ ယာကုပ်ရို့နှင့်အတူ တဲများ ထွင် နီထိုင်ခလေ၏။

¹⁰ အကြောင်းမူကား အာ ဗြဟံ သည် ခိုင်ခံ့ သည့် အုတ်မြစ်နှင့် ဘုရားသခင် တည်ဆောက် တော် မူ သော မြို့တော်ကို မျှော်လင့်နိုင်ခ၏။

¹¹ အာ ဗြဟံ လည်း အိုမင်း နီ နိ ယာ။ စာရာ သည် လည်း သားသမီးမရနိုင်ယာ။ သို့သော်လည်း ဖခင်တစ် ယောက် ဖြစ်လာရသည်မှာ ယုံကြည်ခြင်းကြောင့် ဖြစ်၏။ အကြောင်းမူကား ကတိပီးတော်မူသော အသျှင်သည် သစ္စာဟံတော်မူသည်ဟု သူသည် မှတ်ယူသောကြောင့်

ဖြစ်၏။

¹² အမှန်အားဖြင့် အာဗြဟံသည် သီဆုံးလားပြီဖြစ်သော်လည်း ဤတစ်ယောက်သောသူထံပါးမှ သားသမီးများသည် ကောင်းကင်ကြယ်များကဲ့သို့ လည်းကောင်း၊ မရီတွက်နိုင်သော သမုဒ္ဒရာသဲလုံးများကဲ့သို့ လည်းကောင်း များပြားစွာ မွီးဖွားလာကြ၏။

¹³ ဤသူရို့အားလုံးသည် ယုံကြည်ခြင်းဖြင့် သီလားကတ်ယာ။ သူရို့သည် ဘုရားသခင် ကတိပီးထားသော အရာများကို မခံစားရသော်လည်း ထိုအရာများကို အဝီးမှ လှမ်းမြင်၍ လက်ခံကာ မိမိရို့သည် မြီကြီးထက်၌ အာဂန္တုများ၊ သူစိမ်းများသာဖြစ်ကြောင်း ဝန်ခံကြလေ၏။

¹⁴ ထိုသို့ ဝန်ခံသောသူရို့သည် မိမိရို့၏နီရင်းပြည်တစ်ခုကို ရှာဖွေနိုင်ကြကြောင်းကို ဖော်ပြလျက်ဟိ၏။

¹⁵ သူရို့သည် မိမိရို့ စွန့်ခွာလာသော ပြည်နှင့် ပတ်သက်၍ မအောင့်မိကတ်ယာ။ သူရို့သည် အောက်မီလျှင် ပြန်လားရသောအခွင့်ကို ရဟိခကြပေလိမ့်မည်။

¹⁶ အမှန်အားဖြင့် သူရို့သည် ကောင်းကင်အရပ်၌တည်ဟိသော သာ၍မြင့်မြတ်သော ပြည်ကို အလွန် လိုချင်တောင့်တန်ခံကြ၏။ ထို့ကြောင့် ဘုရားသခင်က သူရို့၏ဘုရားဟု ခေါ်ဝေါ်ခြင်းခံရသည်ကို ရှက်တော်မူ။ အကြောင်းမူကား ကိုယ်တော်သည် သူရို့အတွက် မြို့တော်တစ်မြို့ကို ပျင်ဆင်ထားတော်မူ၏။

17 အာဗြဟံသည် မိမိအား ဘုရားသခင် စမ်းသပ် စစ်ဆေးသောအခါ မိမိ၏သား ဣဇက်ကို ယဇ်ကောင် အဖြစ် ပူဇော်ခသည်မှာ ယုံကြည်ခြင်းကြောင့် ဖြစ်၏။ အာဗြဟံသည်ကား မိမိ၏တစ်ဦးတည်းသောသားကို ယဇ်ကောင်အဖြစ် ပူဇော်ရန် ပျင်ဆင်နိုင်သည်အထိ ဘုရားသခင်၏ကတိတော်များကို ရထားသောသူ ဖြစ်၏။

18 “သင်၏အမျိုးအနွယ်တို့ကို ပွားများစီမံည့်သူမှာ ဣဇက်ဖြစ်၏” ဟု ဘုရားသခင်က သူ့အား မိန့်တော်မူသော်လည်း၊

19 အာဗြဟံက ဘုရားသခင်သည် ဣဇက်ကို သီခြင်းမှ ထမြောက်နိုင်သည်ဟု မှတ်ယူလျက် ထိုသို့ ပူဇော်ခ၏။ ဥပမာအားဖြင့်ဆိုရလျှင် အာဗြဟံသည် ဣဇက်ကို သီရာမှ ပြန်ရခြင်းဖြစ်၏။

20 ဣဇက်သည် ယာကုပ်နှင့် ဒေသောကို အနာဂတ်အတွက် ကောင်းကြီးပီးခသည်မှာ ယုံကြည်ခြင်းအားဖြင့် ဖြစ်၏။

21 ယာကုပ်သည် ကွယ်လွန်ခါနီး အချိန်တွင် ယောသပ်၏သားတစ်ယောက်ချင်းစီကို ကောင်းကြီးပီးပြီးလျှင် မိမိ၏တောင်မွှိထိပ်ကို မှီလျက် ဘုရားသခင်အား ပျပ်ဝပ်ကိုးကွယ်ခသည်မှာ ယုံကြည်ခြင်းအားဖြင့် ဖြစ်၏။

22 ယောသပ်သည် ကွယ်လွန်ခါနီး အချိန်တွင် ဣသရေလ လူမျိုးတို့ အဲဂုတ္တုပြည်မှ ထွက်ခွာလာခြင်းအကြောင်းကို ပြောပြလျက် မိမိ၏အရိုးများနှင့်

ပတ်သက်၍ မိန့်မှာထားခသည်မှာလည်း ယုံကြည်ခြင်း အားဖြင့် ဖြစ်၏။

23 မောသျှ၏မိ ၈ ရှိသည် မောသျှကို ဖွားမြင်ပြီး နောက် အဆင်းလှသည်ကို သိမြင်၍ သျှင်ဘုရင်၏အမိန့်တော်ကိုပင် မကြောက်ဘဲ မိမိရှိ၏သားကို သုံးလတာ ကာလပတ်လုံး ဝှက်ထားခသည်မှာ ယုံကြည်ခြင်းအားဖြင့် ဖြစ်၏။

24 မောသျှသည် ကြီးပြင်းလာသောအခါ အဲဂုတ္တုဘုရင့်သမီးတော်၏သားဟု အခေါ်ခံရခြင်းကို ငြင်းပယ်ခသည်မှာ ယုံကြည်ခြင်းအားဖြင့် ဖြစ်၏။

25 အပြစ်တရား၌ တဒင်္ဂပျော်ရွှင်မှုကိုသာ ခံစားရခြင်းထက် ဘုရားသခင်၏လူတိနှင့်အတူ ဆင်းရဲဒုက္ခခံရခြင်းကိုသာ ရွိုးချယ်ခ၏။

26 သူသည် မိမိ၏အနာဂတ် အကျိုးကျေးဇူးကို မျှော်မှန်းလျက် ခရစ်တော်အတွက် ကဲ့ရဲ့ပြစ်တင်ခံရခြင်းသည် အဲဂုတ္တုပြည်၏ဥစ္စာဘဏ္ဍာများထက် သာ၍ကြီးမြတ်သည်ဟု မှတ်ယူခ၏။

27 မောသျှသည် မမြင်နိုင်သောဘုရားသခင်ကို မြင်သောကြောင့် သျှင်ဘုရင်၏အမျက်တော်ကို မကြောက်ဘဲ အဲဂုတ္တုပြည်သို့ ပြန်လားရန် ငြင်းဆန်လျက် ထိုပြည်ကို စွန့်ခွာလာခသည်မှာ ယုံကြည်ခြင်းအားဖြင့် ဖြစ်၏။

28 သားဦးတိကို ဖျက်ဆီးသောသူသည် ဣသရေလသားဦးတိကို မထိခိုက်စီရန် မောသျှသည် ပသခါ

ပွဲတော်နှင့် အသွီးဖျန်းခြင်းကို စီမံဆောင်ရွက်ခဲ့သည်မှာ ယုံကြည်ခြင်းအားဖြင့် ဖြစ်၏။

29 ကူသရေလလူမျိုးရှိသည် ပင်လယ်နီကို ခြောက်သွေ့သောကုန်းလမ်းကဲ့သို့ ကျော်ဖြတ်ခဲ့ကြသည်မှာ ယုံကြည်ခြင်းအားဖြင့် ဖြစ်၏။ သူ့ရို့နည်းတူ ကျော်ဖြတ်ခြင်းငှာ ကြိုးစားအားထုတ်ကြသော အဲဂုတ္တုအမျိုးသားရှိသည် ရီထဲ၌ နစ်မြုပ်ကြကုန်၏။

30 ကူသရေလလူမျိုးရှိသည် ယေရိခေါမြို့ကို ခုနစ်ရက်ကြာ ဝိုင်းရံလှည့်ပတ်ကြရာ မြို့ရိုးသည် ပြိုလဲကျလားသည်မှာလည်း ယုံကြည်ခြင်းအားဖြင့် ဖြစ်၏။

31 ပြည်တန်းဆာမ ရာခပ်သည် သူလျှိုတိကို ရင်းနှီးစွာ ကြံ့ဆို လက်ခံခဲ့သောကြောင့် မယုံကြည်သောသူတို့နှင့် အတူ ပျက်စီးခြင်းသို့ မရောက်ခဲ့သည်မှာလည်း ယုံကြည်ခြင်းအားဖြင့် ဖြစ်၏။

32 ထို့အပြင် ထပ်၍ မည်သည့်အကြောင်းကို ပြောရဦးမည်နည်း။ ဂိဒေါင်၊ ဗာရက်၊ သျှံဆုန်၊ ယေဖသ၊ ဒါဝိဒ၊ သျှမ္မေလနှင့် ပရောဖက်ရို့၏အကြောင်းများကိုပါ ပြောရလျှင် အချိန်လောက်မည် မဟုတ်ပေ။

33 ထိုသူရို့သည် တိုင်းနိုင်ငံများကို အောင်နိုင်ခြင်း၊ ဖြောင့်မတ်စွာ အုပ်ချုပ်ခြင်း၊ ကတိတော်များကို ခံစားရခြင်း၊ ခြင်္သေ့ပါးစပ်ကို ပိတ်စီခြင်း၊

34 မီးတောက် မီးလျှံကို ငြိမ်းစီခြင်း၊ ဓားဘေးမှ လွတ်မြောက်စီခြင်း၊ အားနည်းရာမှ အားကြီးလာစီခြင်း၊

စစ်ပွဲ၌ ခွန်အားနှင့် ပြည့်စုံလာ၍ တိုင်းတစ်ပါး ရန်သူရှိကို အောင်နိုင်ခြင်း စသည့်အမှုများကို ပြုနိုင်ခဲကြသည်မှာ လည်း ယုံကြည်ခြင်းအားဖြင့် ဖြစ်၏။

³⁵ မိန်းမရှိသည်လည်း သီဆုံးလားပြီးသော မိမိရှိ၏ဆွီ မျိုးတိအား တဖန်ပြန်၍ အသက်ရှင်ခြင်းကို ရကြ၏။

တချို့သောလူရှိသည် သာ၍မြတ်သောအသက်တာ ဖြင့် ရှင်ပြန်ထမြောက်ခြင်းကို ရစီရန် လွတ်မြောက်ခြင်း ကို ငြင်းဆန်၍ နှိပ်စက်ခြင်း၌ အသိခံကြသည်မှာလည်း ယုံကြည်ခြင်းအားဖြင့် ဖြစ်ကြ၏။

³⁶ တချို့သောသူရှိသည် ကဲ့ရဲ့ခြင်း၊ ကြိမ်ဒဏ်ပီးခြင်း ကိုလည်းကောင်း၊ တခြားလူတို့သည် သံကြိုးနှင့်ချိုင့်ထား ခြင်း၊ ထောင်ထဲ၌ ချုပ်ထားခြင်းကိုလည်းကောင်း ခံခရ ကြ၏။

³⁷ သူရှိသည် ကျောက်ခဲနှင့် ပစ်သတ်ခြင်း၊ လွှနှင့် ပိုင်းဖြတ်ခြင်း၊ ဓားဖြင့် အသိသတ်ခြင်းကို ခံခရကြ ပြီးလျှင် သိုးသားရီ၊ ဆိတ်သားရီတို့ကို ဝတ်လျက် ဆင်းရဲနွမ်းပါးစွာဖြင့် လည်းကောင်း၊ နှိပ်စက်ခြင်းနှင့် မ တရားပြုမှုခြင်းများကိုလည်းကောင်း ခံ၍ လှည့်လည် နီ ထိုင်ခရကြ၏။

³⁸ ဤလောကသည် ထိုသူရှိနှင့် မထိုက်တန်။ သူရှိသည် တောကန္တာရများနှင့် တောင်တန်းများ၌ လည်းကောင်း၊ လိုဏ်ဂူများနှင့် မြို့တွင်းများ၌ လည်းကောင်း လှည့်လည်၍ နီထိုင်ခဲကြရ၏။

39 ဤသူရို့အားလုံးသည် မိမိရို့၏ယုံကြည်ခြင်းကြောင့် ချီးမွမ်းခြင်းကို ခံရကြသော်လည်း ပီးထားသောကတိတော်ကို မခံစားခကြပေ။

40 အကြောင်းမူကား သူရို့သည် ငါရို့နှင့် အတူ ပြည့်စုံခြင်းသို့ ရောက်ကြစီခြင်းငှာ ငါရို့အတွက် သာ၍ ကောင်းမြတ်သောအရာကို ဘုရားသခင် စီမံထားသောကြောင့် ဖြစ်၏။

12

ငါရို့၏အဖ ဘုရားသခင်

1 ထို့ကြောင့် ဤလောက်များသော သက်သီများသည် ငါရို့အား ဝိုင်းရံလျက် ဟိကြသည်ဖြစ်၍ ငါရို့၌ အနှောင့်အယှက်ဖြစ်စီသော အရာဟူသမျှကို လည်းကောင်း၊ မိမိရို့၌ ငြိတွယ်နိန်သည့် အပြစ်များကို လည်းကောင်း ဖယ်ယှား၍ ငါရို့ရို့၌ ထားသောပန်းဖူးတိုင်သို့ ရောက်ခြင်းငှာ လုံ့လစိုက်၍ ပြီးကြကုန်အံ့။

2 ငါရို့၏ယုံကြည်ခြင်းကို စတင်ဖြစ်တည်စီ၍ အဆုံးတိုင်အောင် စုံလင်စီတော်မူသော အသျှင်ယေသျှုကို စိုးစံထောက်ရှုကြကုန်အံ့။ အကြောင်းမူကား ကိုယ်တော်သည် မိမိအဖို့ ပျင်ဆင်ထားသော ဝမ်းမြောက်ဖွယ်ရာ အကြောင်းကြောင့် ရှက်ကြောက်ဖွယ်အမှုကို မှတ်တော်မမူဘဲ လက်ဝါးကပ်တိုင်၌ အသီခံတော်မူပြီး လျှင် ဘုရားသခင်ပလ္လင်တော်၏ လက်ယာဖက်၌ ထိုင်တော်မူလေ၏။

3 ထို့ကြောင့် သင်ရို့သည် ပင်ပန်းနွမ်းနယ်၍ စိတ်ဓါတ် ကျခြင်း မဟိကြစီခြင်းငှာ အပြစ်သားရို့၏ ဆန့်ကျင်မှုကို သည်းခံတော်မူသော ကိုယ်တော်ကို ဆင်ခြင်အောက်မီကြ လော့။

4 သင်ရို့သည် အပြစ်တရားကို ဆန့်ကျင်တွန်းလှန်ကြ ရာ၌ သွီးမြီကျသည့်တိုင်အောင် မခံကြရသိမ့်။

5 ထို့အပြင် သင်ရို့သည် မိမိ၏သားကဲ့သို့ သင်ရို့အား မိန့်တော်မူသော အားပီးတိုက်တွန်းထားသည့် စကားကို မှီ လားကြလေပြီ။

“ငါ့သား၊ သခင်ဘုရား၏ ဆုံးမပဲ့ပြင်တော် မူခြင်းကို အလေးမထားဘဲမနိန်ကော့။
ကိုယ်တော်သည် သင့်အား အပြစ်ကို ဖော်ပြ၍ ဆုံးမ သောအခါ စိတ်ဓါတ်မကျကော့။

6 အကြောင်းမူကား သခင်ဘုရားသည် ချစ်တော်မူသော သူကို ဆုံးမပဲ့ပြင်တတ်၏။
မိမိ၏သားအဖြစ် လက်ခံတော်မူသောသူတိုင်းကို ပြစ်ဒဏ်ပီးတော်မူတတ်၏”

7 ဘုရားသခင်သည် သင်ရို့ကို မိမိ၏သားကဲ့သို့ ပြုမူ ဆက်ဆံတော်မူသည်ဖြစ်၍ ထိုကဲ့သို့ ဆုံးမပဲ့ပြင်တော် မူခြင်းကြောင့် ခံရသောဒုက္ခဆင်းရဲခြင်းကို သည်းခံကြ လော့။ အကြောင်းမူကား ဖခင်၏ ဆုံးမပဲ့ပြင်ခြင်းကို မခံ ရသော သားဟူ၍ ဟိသလော။

8 သားသမီးရို့ခံရသော ဆုံးမပဲ့ပြင်ခြင်းကို သင်ရို့ မခံရ

လျှင် သင်ရှိသည် သားအရင်း မဟုတ်၊ သျှောက်သားတိ
သာ ဖြစ်ကြ၏။

⁹ ထို့အပြင် ငါရှိကို ဆုံးမပဲ့ပြင်သော အသွီးအသား
နှင့် စပ်ဆိုင်သော ဖခင်များသည် ငါရှိအားလုံးမှာ ဟိ
ကြ၏။ ငါရှိသည် ထိုသို့ ဆုံးမပဲ့ပြင်ခြင်းကြောင့် ထိုဖခင်
ရှိကို ရိုသီးလေးစားကြ၏။ သို့ဖြစ်လျှင် ငါရှိစိတ်ဝိညာဉ်
များ၏ဖခင်ကို သာ၍ပင် နာခံ၍ အသက်ရှင်ကြရမည်
မဟုတ်ပါလော။

¹⁰ အကြောင်းမူကား ငါရှိ၏အသွီးအသားနှင့် စပ်ဆိုင်
သော ဖခင်များသည် အကောင်းဆုံးဟု ထင်မှတ်၍ တစ်
ဒီဂကာလအတွက် ဆုံးမပဲ့ပြင်တတ်ကြ၏။ ဘုရားသခင်
သည်ကား မိမိ၏သန့်ယှင်းခြင်းပါရမီ၌ ငါရှိကို ဝင်စားစီ
ခြင်းငှာ ငါရှိ၏ကောင်းကျိုးချမ်းသာအတွက် ဆုံးမပဲ့ပြင်
တော်မူ၏။

¹¹ နှစ်သက်ဖွယ်ကောင်းသော ဆုံးမပဲ့ပြင်ခြင်းဟူ၍ မဟိ။
နာကြင်စီသော ဆုံးမပဲ့ပြင်ခြင်း ဟူ၍သာ ဟိ၏။ သို့သော်
ထိုဆုံးမပဲ့ပြင်ခြင်းကို ခံယူသူများအား ဖြောင့်မတ်ခြင်း
နှင့် ငြိမ်းချမ်းခြင်းတည်းဟူသော အကျိုးကျေးဇူးများကို
ပွားများစီတတ်၏။

ညွှန်ကြားချက်များနှင့် သတိပီးချက်များ

¹² ထို့ကြောင့် အားအင်ကုန်ခမ်းနိန်သောလက်တိနှင့် ချိ
နိန်သောဒူးတိကို ခိုင်ခံ့စီကြလော့။

13 ခြံမသန်စွမ်းသောသူတိလည်း ခြံဆစ် လွဲခြင်းမဟိစီရဘဲ သာ၍ ကျန်းမာလာစီရန် သင်ရို့၏ခြံထောက်အတွက် ညီညာပြန်ဖြူးသောလမ်းများကို ပျင်ဆင်ကြလော့။

14 လူတိုင်းနှင့် ငြိမ်းချမ်းစွာ နီထိုင်ရန်လည်းကောင်း၊ သန့်ယှင်းသော အသက်တာဖြင့် အသက်ရှင်နိုင်ရန်လည်းကောင်း ကြိုးစားကြလော့။ အကြောင်းမူကား သန့်ယှင်းသော အသက်တာမဟိလျှင် ဇာသူမျှ ဘုရားသခင်ကို မြင်ကြလိမ့်မည် မဟုတ်။

15 ဇာသူမျှ ဘုရားသခင်၏ကျေးဇူးတော်နှင့် မကင်းကွာစီခြင်းငှာ လည်းကောင်း၊ လူအပေါင်းရို့ကို အနှောင့်အယှက်ဖြစ်စီတတ်သည့်အပြင် ညစ်ညူးခြင်းကို ဖြစ်စီတတ်သည့် ခါးသီးသောအမြစ် ထွက်မလာစီခြင်းငှာလည်းကောင်း သတိပြုကြကုန်အံ့။

16 သားဦးတစ်ယောက်၏ အရိုက်အရာကို အစားတစ်လုပ်နှင့် လှဲစားခသည့် ဧသောကဲ့သို့ မတရားသောမေထုန်ကို ပြုသောသူ သို့မဟုတ် ဘုရားတရားကို မထီမဲ့မြင်ပြုသောသူ တစ်စုံတစ်ယောက်မျှ မဟိစီခြင်းငှာ သတိပြုကြလော့။

17 အကြောင်းမူကား သင်ရို့ သိကြသည့် အတိုင်းသူသည် နောက်မှ ကောင်းကြီးမင်္ဂလာကို အမွှိခံလိုသောအခါ၌ ငြင်းပယ်ခြင်းကို ခံရလေ၏။ သူသည် မျက်ရည်ကျလျက် ထိုကောင်းကြီးမင်္ဂလာကို ပြန်တောင်းသော်လည်း မိမိအဖ၏ စိတ်ပြောင်းလဲခြင်းအခွင့်ကို

ပြန်၍ မရနိုင်ပေ။

18 သင်ရို့သည် ကုသရေလလူမျိုးရို့ကဲ့သို့ လက်ဖြင့်ထိ တို့နိုင်သော သိနာတောင်သို့ ရောက်လာကြသည် မဟုတ်။ ထိုတောင်သည်ကား မီးလောင်လျက်၊ မဲမှောင်ညိုမှိုင်းကာ မုန်တိုင်းကျလျက်

19 တံပိုးခရာမှုတ်သံနှင့် နှုတ်ကပတ်တော်အသံများ ထွက်ပေါ်လာသည့် တောင်ဖြစ်၏။ ကုသရေလလူမျိုးရို့သည် နှုတ်ကပတ်တော်အသံကို ကြားရပြီး၊ နောက်တဖန် ထိုအသံကို မကြားရစီခြင်းငှာ တောင်းပန်ကြ၏။

20 အကြောင်းမူကား “တိရစ္ဆာန်တစ်ကောင်တောင်မှ ထိုတောင်ကို ထိမိလျှင် ကျောက်ခဲနှင့် ပစ်သတ်ရမည်” ဟူသော အမိန့်တော်ကို သူရို့သည် မခံနိုင်ကြသောကြောင့် ဖြစ်၏။

21 ထိုမြင်ကွင်းသည် အလွန် ကြောက်စရာကောင်းသည် ဖြစ်၍ မောသျှေက “ငါသည် အလွန်ကြောက်ရွံ့တုန်လှုပ် ရ၏” ဟု ဆို၏။

22 သို့သော် သင် ရို့ သည် ဇိ အုန် တောင် သို့ လည်းကောင်း၊ အသက် ရှင်တော် မူ သော ဘုရားသခင်၏မြို့တော် တည်း ဟူသော ကောင်းကင် အရပ်၌ ဟိသော ယေရုဆလင်မြို့သို့ လည်းကောင်း၊ ထောင်ပေါင်းများစွာသော ကောင်းကင်တမန်တို့ ရွှင်လန်း ဝမ်းမြောက်စွာ စုဝေးရာအရပ်သို့ လည်းကောင်း၊

23 ကောင်းကင်ဘုံ၌ နာမည် စာရင်းဝင် လျက် ဟိ

ကြသော အဦးဆုံးသော သားများ၏အသင်းတော်သို့ လည်းကောင်း၊ လူသားအားလုံးကို တရားစီရင်တော်မူသော ဘုရားသခင်ထံပါးသို့ လည်းကောင်း၊ စုံလင်ခြင်းသို့ ရောက်ကြကုန်သော ဖြောင့်မတ်သူရို့၏ ဝိညာဉ်များသို့ လည်းကောင်း၊

24 ပဋိညာဉ်သစ်၏ ကြားဝင် စုံစပ်ပီးသူ ဖြစ်သော ယေသျှုထံပါးသို့ လည်းကောင်း၊ အာဗေလ၏အသွီးထက်သာ၍ မြတ်သော နှုတ်ကပတ်တော်ကို မြှောက်ဆိုခြင်းဖြင့် ပက်ဖြန်းထားသော အသွီးတော် ထံပါးသို့ လည်းကောင်း ရောက်လာကြ၏။

25 သင်ရို့သည် မိန့်တော်မူသော အသျှင်ကို မငြင်းပယ် မိကြစီရန် သတိပြုကြလော့။ အကြောင်းမူကား မြီကြီး၌ ဗျာဒိတ်ပီးသောသူကို ငြင်းပယ်သောသူသည် ပြစ်ဒဏ်မှ မလွတ်နိုင်ကြလျှင် ကောင်းကင်ဘုံမှ ဗျာဒိတ်ပီးတော်မူသောအသျှင်ကို ငြင်းပယ်လျှင် ဇာပိုင် အပြစ်က လွတ်နိုင်ပါအံ့နည်း။

26 သို့သော် ထိုစဉ်က ကိုယ်တော်၏အသံတော်သည် မြီကြီးကို တုန်လှုပ်စီ၏။ အဂ္ဂမူကား ကိုယ်တော်က “ငါသည် နောက်တဖန် မြီကြီးကိုသာမက ကောင်းကင်ကိုပါ တုန်လှုပ်စီလိမ့်မည်” ဟု ကတိပီးထားတော်မူ၏။

27 “နောက်တဖန်” ဟူသော စကားသည်ကား မတုန်လှုပ်နိုင်သောအရာကို တည်မြဲစီခြင်းငှာ တုန်လှုပ်တတ်သော ဖန်ဆင်းခံအရာကို ဖယ်ယှားမည်ဟု ဆိုလိုသတည်း။

28 ထို့ကြောင့် ငါ ရှို့သည် မတုန် မလှုပ် နိုင်သော နိုင်ငံတော်ကို ရထားကြသည်ဖြစ်၍ ကျေးဇူးတော်ကို ချီးမွမ်းကြကုန်အံ့။ ထိုသို့ ကျေးဇူးတော် ချီးမွမ်းလျက် ကြောက်ရွံ့ရုံသီသောစိတ်ဖြင့် ဘုရားသခင် နှစ်သက်တော် မူသောဝတ်ပြုခြင်းကို ဆောင်ရွက်ကြကုန်အံ့။

29 အကြောင်းမူကား ငါ ရှို့၏ဘုရားသခင် သည် လောင်ကျွမ်းသောမီး ဖြစ်တော်မူ၏။

13

ဘုရားသခင် နှစ်သက်တော်မူခြင်းငှာ လုပ်ဆောင်ခြင်း

1 ခရစ်ယာန် ညီအစ်ကို မောင်နှမ တို့ ဖြစ်ကြသောကြောင့် တစ်ယောက်ကို တစ်ယောက် ချစ်ခြင်း မေတ္တာ ထားကြလော့။

2 အာဂန္တုရှို့ကိုလည်း ဧည့်ဝတ်ပြုခြင်းငှာ မမိုက်ကတ်ကော့။ အကြောင်းမူကား တချို့သောသူရှို့သည် ထိုသို့ ပြုခြင်းအားဖြင့် မိမိရှို့ မသိကျွမ်းသော ကောင်းကင်တမန်များတို့ ဧည့်ဝတ်ပြုကြလေ၏။

3 အကျဉ်းသား တို့ ကို လည်း သူ ရှို့ နှင့် အတူ အချုပ်အနှောင် ခံနိုင်ကြရသကဲ့သို့ သတိရကြလော့။ မတရားပြုမှုခြင်းကို ခံနိုင်ကြရသော သူရှို့ကိုလည်း မိမိရှို့ ကိုယ်တိုင် ထိုသို့ ခံနိုင်ကြရသကဲ့သို့ အောက်မီကြလော့။

4 ထိမ်းမြား လက်ထပ် ခြင်း အမှု ကို လည်း လူ တိုင်း လေးစားကြရမည်။ လင်ယောက်ျားနှင့် ဇနီးမယားသည်

တစ်ဦးကို တစ်ဦး သစ္စာဟိကြရမည်။ အကြောင်းမူကား မတရားသော မေထုန် ပြုသောသူနှင့် အိမ်ထောင်ရေး ဖောက်ပြန်သော သူရို့ကို ဘုရားသခင် စီရင်တော်မူ လိမ့်မည်။

5 သင်၏အသက်ရှင်နီထိုင်မှုတွင် ငွီကို တပ်မက်ခြင်း မဟိဘဲ မိမိ၌ ဟိသောအရာနှင့် ရောင့်ရဲခြင်း ဟိလော့။ အကြောင်းမူကား ဘုရားသခင်က “ငါသည် မည်သည့် အခါမျှ သင့်ကို မစွန့်၊ မည်သည့်အခါမျှ သင့်ကို မပစ်ပယ်” ဟု မိန့်တော်မူထားပြီးဖြစ်၏။

6 ထို့ကြောင့် ငါရို့သည်ကား

“ဘုရားသခင်သည် ငါ့ကို ကူညီမစတော်မူသော အသျှင် ဖြစ်၍

ငါသည် ကြောက်ရွံ့ လိမ့်မည် မဟုတ်။

လူသည် ငါ့ကို ဇာပိုင် ပြုနိုင်ပါအံ့နည်း” ဟု ယုံကြည် စိတ်ချစွာဖြင့် ပြောဆိုကြကုန်အံ့။

7 သင်ရို့အား ဘုရားသခင်၏ နှုတ်ကပတ်တော်ကို ဟောပြောသော သင်ရို့၏ခေါင်းဆောင်တို့ကို သတိရကြ လော့။ ထိုခေါင်းဆောင်ရို့၏ အသက်ရှင်နီထိုင်မှုမှ ထွက် ပေါ်လာသည့် အကျိုးတရားကို ကြည့်ရှုဆင်ခြင်လျက် သူ ရို့၏ ယုံကြည်ခြင်းကို အတုယူကြလော့။

8 ယေသျှုခရစ်တော်သည် အတိတ်၊ ပစ္စုပ္ပန်၊ အနာဂတ် ကာလအစဉ် ဟိတော်မူသောအသျှင် ဖြစ်တော်မူ၏။

9 အသစ်အဆန်းသော ဩဝါဒအမျိုးမျိုးနောက်သို့ မလိုက်ကတ်ကော။ အစားအစာနှင့် ပတ်သက်၍ စည်းမျဉ်းများကို လိုက်နာခြင်းအားဖြင့် မဟုတ်ဘဲ၊ ဘုရားသခင်၏ ကျေးဇူးတော်အားဖြင့် အတွင်းလူကို ခွန်အားနှင့် ပြည့်စုံစီခြင်းသည် ကောင်းမြတ်ပေ၏။ ထိုစည်းမျဉ်းများသည် လိုက်နာသောသူအား အထောက်အပံ့ မပြုနိုင်။

10 ငါရို့၌ ယဇ်ပလ္လင်တစ်ခု ဟိ၏။ တဲတော်၌ ဝတ်ပြုသောသူရို့သည် ထိုယဇ်ပလ္လင်ထက်မှ ပူဇော်သကာကို စားခွင့်မဟိ။

11 အကြောင်းမူကား ယဇ်ပူရောဟိတ်မင်းသည် ယဇ်ကောင်များ၏အသွီးကို အပြစ်ဖြေရာယဇ်အဖြစ် ပူဇော်ရန် အသန့်ယှင်းဆုံးသောဌာနတော်သို့ ယူဆောင်လားသော်လည်း ယဇ်ကောင်များကိုမူကား တပ်ပြင်၌ မီးယှို့ရ၏။

12 ထိုနည်းတူ ယေသျှုသည်လည်း မိမိ၏သွီးတော်အားဖြင့် လူတို့ကို သန့်ယှင်းစီခြင်းငှာ မြို့တန်းခါးအပြင်ဖက်၌ အသိခံတော်မူခ၏။

13 သို့ဖြစ်၍ ငါရို့သည် ကိုယ်တော်ခံရခသော ကဲ့ရဲ့ပြစ်တင်ခြင်းကို ခံယူလျက် တပ်၏ အပြင်ဖက်၌ဟိသော ကိုယ်တော်ထံပါးသို့ လားကြကုန်အံ့။

14 ဤလောက၌ ငါရို့ အတွက် တည်မြဲသောမြို့ မဟိသောကြောင့် ငါရို့သည် နောင်ဖြစ်လာမည့် မြို့တော်ကို မျှော်လင့်နိန်ကြ၏။

15 ထို့ကြောင့် ငါရို့သည် ကိုယ်တော်၏နာမတော်ကို ဝန်ခံသောနှုတ်၏အသီးတည်းဟူသော ချီးမွမ်းခြင်းယဇ်ကို ကိုယ်တော်အားဖြင့် ဘုရားသခင်အား အစဉ်မပြတ် ပူဇော်ကြကုန်အံ့။

16 ထို့ကြောင့် ကောင်းသော အမှု ကို ပြုခြင်းငှာ လည်းကောင်း၊ သူတစ်ပါးကို ပီးကမ်းခြင်းငှာ လည်းကောင်း မမိုက်ကတ်ကေ။ အကြောင်းမူကား ထိုသို့သော ပူဇော်သကာ ယဇ်များ ကို ဘုရားသခင်သည် နှစ်သက်တော်မူ၏။

17 သင်ရို့ ခေါင်းဆောင်တိ၏စကားကို နာခံ၍ သူရို့၏ မိန့်မှာ ချက်များကို လိုက်လျှောက်ကြလော့။ အကြောင်းမူကား မိမိရို့၏ မှတ်တမ်းများကို တင်ပြပီးရမည့် သူရို့ကဲ့သို့ သူရို့သည် သင်ရို့အား မျက်ခြံမပြတ်စောင့်ကြည့်နိန့်ကြသောကြောင့်ဖြစ်၏။ သင်ရို့သည် ထိုခေါင်းဆောင်ရို့၏စကားကို နာခံကြလျှင် သူရို့သည်လည်း မိမိရို့ အလုပ်ကို ဝမ်းမြောက်စွာ လုပ်ဆောင်ကြလိမ့်မည်။ ထိုသို့ မဟုတ်ဘဲ သူရို့သည် စိတ်မကောင်းစွာဖြင့် လုပ်ဆောင်ကြလျှင် သင်ရို့အတွက် အကျိုးဟိလိမ့်မည် မဟုတ်ပေ။

18 ငါရို့သည် အရာရာ၌ ကြည်လင်သော အသိစိတ်ဖြင့် ကောင်းမွန်စွာ အသက်ရှင်နီထိုင်ခြင်းငှာ အလိုဟိကြသည်ဖြစ်၍ ငါရို့အတွက်လည်း ဆုတောင်းပီးကြလော့။

19 ဘုရားသခင်သည် ငါ့အား သင်ရို့ပါးသို့ မကြာခင် ပို့

ဆောင်ပီးခြင်းငှာ ဆုတောင်းပီးကြရန် အထူးမေတ္တာရပ်ခံ အပ်ပါ၏။

နိဂုံးချုပ် ဆုတောင်းပီးခြင်း

20 ထာဝရ ပဋိညာဉ် အ သွီး တော်*ဖြင့် သွီး များ၏ကြီးမြတ်သော သွီးထိန်း ဖြစ် တော် မူ သော ငါ ရှို့၏ အသျှင်ယေသျှုကို သီဆုံးခြင်းမှ ထမြောက်စီတော် မူသော ငြိမ်သက်ခြင်း၏အသျှင် ဘုရားသခင်သည်။

21 မိမိ၏အလို တော် ကို ဆောင်ရွက် နိုင် ကြ စီ ရန် ကောင်းသောအမှုအမျိုးမျိုးဖြင့် သင်ရှို့ကို ပြည့်စုံတော်မူ ပါစီသောဝံ။ ထို့အပြင် ကိုယ်တော်သည် မိမိ၏နှစ်သက် ဖွယ်သော အမှု ကို ယေ သျှု ခရစ်တော် အားဖြင့် ငါ ရှို့၌ လုပ်ဆောင် တော် မူ ပါ စီ သောဝံ။ ထို ခရစ်တော်၏ ဘုန်းတန်ခိုးတော်သည် ကမ္ဘာအဆက်ဆက် တည်ဟိပါစီ သောဝံ။ အာမင်။

နောက်ဆုံး နှုတ်ဆက်ခြင်း

22 ညီအစ်ကို မောင်နှမ ရှို့၊ ငါ သည် သင် ရှို့ ကို အကျဉ်းချုပ် ရီး ပီး လိုက် ခြင်း ဖြစ်၍ ငါ၏ အား ပီး တိုက်တွန်း စကား ကို လက်ခံ ကြ ရန် သင် ရှို့ အား ငါ တောင်းပန်၏။

23 ငါရှို့၏ညီ တိမောသေသည် လွတ်မြောက်လာပြီ ဖြစ်ကြောင်း သင်ရှို့အား ငါ သိစီလို၏။ မကြာခင် သူ

* 13:20 အသွီးတော်၊ သို့မဟုတ် ကိုယ်တော်၏ ယဇ်ပူဇော်ခြင်းနှင့်ဆိုင်သော သီခြင်း။

ရောက်လာသောခါ ငါသည်လည်း သူနှင့်အတူ သင်ရိုးကို တို့ရန် လာလိမ့်မည်။

²⁴ သင် ရိုး၏ခေါင်းဆောင် အားလုံး နှင့် ဘုရားသခင်၏သားသမီး အားလုံး ကို လည်း နှုတ်ဆက် လိုက်ပါ၏။ ဣတလိပြည်မှ ရောက်လာကြသောသူတို့က လည်း သင်ရိုးကို နှုတ်ဆက်လိုက်ကြ၏။

²⁵ ကျေးဇူးတော်သည် သင်ရိုးအားလုံးနှင့်အတူ ဟိပါစီ သော်။

ဓမ္မသစ်ကျမ်း ရခိုင်ဘာသာစကား

Rakhine: ဓမ္မသစ်ကျမ်း ရခိုင်ဘာသာစကား (Bible)

copyright © 2025 The Word for the World International

Language: ရခိုင် (Rakhine)

Contributor: The Word for the World International

ရခိုင် ဓမ္မသစ်ကျမ်း

The New Testament in Rakhine Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-06-27

PDF generated using Haiola and XeLaTeX on 27 Jun 2025 from source files dated 27 Jun 2025

51b0ff5f-817a-5607-b453-b9df7b3155f2